

尚書今古文注疏

臯陶謨第二上 虞夏書二 尙書今古文注疏卷二

賜進士及第授通奉大夫山東督糧道加三級孫星衍撰

**注**史遷說帝舜朝禹伯夷臯陶相與語帝前臯陶述其

**謀**疏俱引作咎繇是唐以前本知此臯陶字後人所改

謀者釋詁云謀也說文云議謀也古文作暮梅氏分帝

日來禹汝亦昌言已下為益稷據書疏云馬鄭王合此

篇於臯陶謨謂其別有棄稷之篇又云益稷合於臯陶

謨伏合之是今文古文皆為一篇後漢輿服志永初

詔有司采周官禮記尙書臯陶篇乘輿服從歐  
說公卿以下從大小夏侯氏說即謂日月星辰至  
繡之文是今益稷本為臯陶謨之證詩譜疏引臯陶  
謨獨成五服至於五千不云益稷者依馬鄭本也今仍  
為一篇此夏書題虞夏書者書疏云馬融鄭元別錄題  
皆曰虞夏書以虞夏同科史公云禹伯夷臯陶相與語

帝前經文無伯夷者大戴禮誥志篇子引虞史伯夷曰明孟也幽幼也似解幽明庶績成熙是伯夷為虞史官

史遷以皋陶方祗厥敘及夔曰戛擊鳴球至庶尹允諧為史臣牧事之文則即伯夷所述語也

曰若稽古疏自篇曰若稽古稽古者泰誓云正稽古立功立事本經云予欲觀古人之象非稽古不稱聖人堯

之同天以帝號稱之皋陶聖臣稽古不必同天召誥言稽我古人之德下云稽謀自天周書武穆解云曰若稽

古曰昭天之道熙帝之載上云稽古下又云昭天知單言稽古非即同天也詩譜疏引撻維貳云曰若稽古周

公旦周公以有聖德亦云稽古故班氏知皋陶亦聖人也皋陶曰注鄭康成以皋陶下屬為句允迪厥德謨明

弼諧注史遷作信其道德謀明輔和疏鄭注見書疏史

陶述其謀曰是與鄭氏同以皋陶下屬為句也允者釋

詁云信也迪者釋詁云迪繇道也釋名云道導也繇即

由道亦導德者淮南齊俗訓云得其天性謂之德天性謂五常之性明者釋詁云成也言信由其德則謀成而輔和矣史公以允迪厥德為信其道德者釋詁云迪道也易繫詞云立人之道曰仁與義樂記云君子樂得其道鄭注云道謂仁義也管子心術篇云德者道之舍舍謂得於心也允信謨謀弼補諧和俱釋詁文厥其釋言文禹曰俞如何皋陶曰都慎厥身修思永惇敘九族庶

明勵翼邇可遠在茲注史遷俞作然都作於厥作其永

作長惇敘作敦序庶作衆勵作厲為高邇作近茲作已

鄭康成曰惇厚也庶衆也厲作也敘序也次序九族而

親之以衆明作羽翼之臣此政由近可以及遠也疏者慎

釋詁云誠也靜也修者鄭注中庸云治也漢書本紀永光四年詔曰慎身修永注師古曰永上有職字知慎厥

身爲句修思永言修其職業思可永也職與思斯聲相  
近皆語詞停者釋詁云厚也九族謂自高祖至元孫如  
馬鄭注堯典漢書本紀元始五年詔曰帝王親親以相  
及也昔堯睦九族舜停敘之庶明謂衆貴戚堯典明明  
史公說上明爲悉下明爲貴戚厲翼謂附助又選西都  
賦注引薛君章句云厲附也鄭注文王世子云翼助也  
勵當爲厲皋陶爲禹言謹身睦族貴近附助則道德可  
以自近及遠也史公說俞爲然都爲於皆釋言文厥爲  
其永爲長皆釋詁文停作敦者疑訓爲勉敘與序通韋  
昭注魯語云序次也庶爲衆釋詁文明或如說堯典爲  
貴戚也以厲爲高者高誘注淮南修務訓云厲高也邇  
近釋詁文茲爲已者釋詁云茲已此也疑今文茲本作  
已鄭注見後漢書班固傳注及蜀志注史記集解以停  
爲厚厲爲作者皆釋詁文衆明明書疏引鄭注作衆賢明  
明得爲賢明者周語云尊貴明賢是也翼爲羽翼用本字之訓

禹拜昌言曰兪史遷

昌作美俞作然昌一作謹

**昌**者釋詁云當也郭注云書曰禹拜昌言史公說昌

爲美者說文云曰美言也月或爲黨聲相近孟子公孫丑篇云禹聞善言則拜趙注云尙書禹拜讜言讜字說文所無周書祭公解拜手稽首黨言張平

子碑黨言允諧皆止作黨知讜即黨字 皋陶曰都在

知人在安民注史遷都作於疏民謂衆民人謂官人也云宜安民宜安人也疏云民人散雖義通對宜有別引此經文漢書薛宣傳谷永上疏曰帝王之德莫大於知人知人則百僚任職天工不曠衆職修理姦軌絕息引此文而說之也皋陶旣以修身睦族告禹又云此者宗族貴戚人才不一務在知而器使之民禹曰吁咸若時衆在下在徧安之其政乃可及遠也

惟帝其難之知人則哲能官人安民則惠黎民懷之注

史遷咸作皆時作是哲作智安民作能安民疏言皆若是堯猶

難之者左氏文十八年傳魯太史克言十六族四凶堯不能舉不能去論語云博施濟衆堯舜其猶病諸上古

言質直故謂堯猶難之哲莫善五行傳作哲說文哲或  
作哲惠愛懷思皆釋詁文言知人則能器使安民則衆  
民思歸之也史公說威為皆時能哲而惠何憂乎驩兜  
為是皆釋詁文哲為智釋言文

何遷乎有苗何異乎巧言令色孔王注史遷哲作智而

作能令作善王作佞鄭康成曰禹為父隱故言不及鯀

**疏**言能聖且仁則不仁者遠淮南泰族訓引作能哲且  
惠則經文作而可讀如本字孔者釋言云甚也言甚

凌江氏聲說巧言即靜言令色即象恭巧言令色孔子  
謂其工史公說哲為知者知同智釋言云哲智也而為  
能者呂覽士容篇柔能堅虛能實高誘注云能而也令  
為善王為佞皆釋詁文鄭注見史記集解云禹為父隱  
者白虎通五行篇云父為子隱何法法水之藏火也子  
為父隱何法法水逃金也聖人法天則為父隱者天道  
非私也四凶為三注皋陶曰都注史遷都作然於注段氏  
故云不及鯀也

玉裁

說史公作舉陶曰然於者以於說都亦行有九德亦言當以然說俞則今文都上有俞字

其人有德乃言曰載采采注史遷有德上無人字載作

始采作事疏亦行舊說為掖行玉篇云亦臂也今作掖

也行者周禮師氏以三德教國子鄭注云在心為德施

之為行行謂寬柔隱亂擾直簡剛彊之行九德謂栗立

恭敬毅溫廉絜義之德所以扶掖九行始事之者言始

試之以事故下云九德咸事論衡荅佞篇云唯聖賢之

人以九德檢其行以事效考其言行不合於九德言不

驗於事效人非賢則佞矣史公說載為始者釋詁云哉

始也載同哉采為事亦釋詁文亦言其有德

一無人字者唐石經同史記後人勃增人字禹曰何皋

陶曰注史遷無此文疏是今文本無或史公節省經文

不詳也後寬而栗柔而立愿而恭亂而敬擾而毅直而

不更出



溫簡而廉剛而塞彊而義注史遷恭作共亂作治擾一作柔塞作實鄭康成曰連言之寬謂度量寬宏柔謂性行和柔擾謂事理擾順三者相類卽洪範云柔克也愿謂容貌恭正亂謂剛柔治理直謂身行正直三者相類卽洪範云正直也簡謂器量疑簡剛謂事理剛斷強謂性行堅強三者相類卽洪範云剛克也而九德之次從寬而至剛也惟擾而毅在愿亂之下耳其洪範三德先人事而後天地與此不同凡人之性有異有其上者不必有下有其下者不必有上上下下相協乃成其德塞一

作寒廉一作辨疏

寬綽近緩而能堅栗柔順近弱而能

而能敬慎馴擾可狎而能果毅棟直不撓而能溫克簡

大似放而能廉約剛者內荏而能充實發彊有為而能

良善此似相反而實相成五行生克之用聖人法陰陽

以治性情之學也栗為堅栗者聘義縝密以栗鄭注云

堅貌鄭箋詩生民實栗云栗成就也義與寬似相反立

為對立者說文對立也義與柔似相反愿為慤愿者禮

器云不然則已慤鄭注云慤愿貌恭為謙恭者韋昭注

魯語云恭為謙義似相反簡為簡大者釋詁云簡大也

廉為廉約者釋名云廉斂也說文廉仄也俱義似相反

彊而義者王氏引之案詩傳義善也謂性發彊而又良

善也餘如鄭義凡而字當讀為能呂覽士容篇云柔而

堅虛而實淮南原道篇云行柔而剛用弱能強高誘注

云而能也史公恭作共者後漢書楊震傳注引經文作

龔共省文俱與恭通詩巧言匪其止共韓詩作恭經典

多通用說亂為治者釋詁文擾一作柔者集解引徐廣

注經文已有柔則當為一作揉也詩崧高揉此萬邦鄭

王

云柔順也是與擾同義釋文本亦作柔說塞為實者塞  
 與塞通說文塞實也引此文鄭注見書疏以寬柔擾為  
 洪範柔克者柔為地道漢書翼奉傳云西方之情喜行  
 寬大西方坤兌屬陰為地道擾字从牛說文牛柔謹也  
 寬擾與柔俱地道故三者為洪範柔克也云愿亂直為  
 洪範正直者論語云侗而不愿鄭注云愿善也善為人  
 性淮南主術訓能多者無不治也高誘注云治作也亂  
 治人所作為論語云人之生也直愿亂與直俱人道故  
 三者為洪範正直也簡剛強為洪範剛克也云器量凝簡  
 自彊不息皆天道故三者為洪範剛克也云器量凝簡  
 蓋謂器量凝成而簡大耳云洪範三德先人事而後天  
 地與此不同者洪範一曰正直二曰剛克三曰柔克人  
 道在天地之前此則先地道而後天道擾為地道又次  
 在人道之中故云九德之次惟擾而毅在愿亂之下也  
 此注或疑非鄭注案孔氏書疏既引此文云鄭連言之  
 又孔義俱釋偽傳義與傳文多不同故定為鄭注云性  
 有上下者上謂寬至彊之屬文在上下謂栗至義之屬  
 文在下非謂性之智愚為上下也鄭所見本廉又作辨

注中庸云簡而文溫而理猶簡而辨直而溫也彰厥有常吉哉史遷彰作章

厥作其鄭康成曰人能明其德行所行使有常則成善

人矣疏章一說為顯章顯有德之人與之祿秩盤庚云

書鄭均傳元和元年詔云書不云平章厥有常吉哉其

賜均義穀各千斛注云章明也吉善也言為天子當明

其有常德者優其廩餼則政之善也疑今文之義釋詁

云秩常也鄭注見書疏以彰為明者高誘注呂覽懷寵

篇云彰明也云所行使有常者易象上傳云君子日宣

以常德行以吉為善者說文云吉善也從士口

三德夙夜浚明有家疏史遷夙作蚤浚作翊馬融曰浚

大也鄭康成曰三德六德者皆亂而敬已下之文疏宣

釋言云徇也周語劉康公曰宣所以教施也浚者方言云敬也明者釋詁云成也或明與孟通故孟諸即明都

釋詁云孟勉也言早夜旬宣三德以敬勉有家之人家  
 謂有采地之臣鄭注周禮春官宗人云家謂大夫所  
 食采邑史公以夙為蚤者釋詁云夙早也後為翊者華  
 嚴音義引書大傳云翊輔也翊與翼同亦敬也言敬勉  
 馬注見釋文以浚為大者釋詁云駿大也浚與駿同大  
 明謂大勉也鄭注見書疏云亂而敬已下之文是以三  
 者為簡剛 曰嚴祇敬六德亮采有邦 史遷祇作振邦  
 疆三德

作國馬融讀嚴為儼曰亮信采事也 疏 嚴者說文云教  
 令急也祇者釋

詁云敬也祇敬重文者無逸云嚴恭寅畏亦皆敬不嫌  
 重文此六德鄭意以為亂而敬至疆而毅之文亮者釋  
 詁云左右亮助皆轉相訓詩傳云涼佐也上言敬成有  
 家謂卿大夫之佐事者此言助事有邦謂有土者之臣  
 史公以祇為振者周語震動恪恭振同震說文肅持事  
 振敬也祇振又通內則祇見孺子鄭注云祇或作振馬  
 作儼見釋文引馬魚檢反詩傳云儼矜 翁受敷施九德  
 莊貌注見書疏亮信采事皆釋詁文

咸事

**注**

史遷數作普

**疏**

翁者釋詁云合也數者詩傳云

用也言合受三六德之人徧用之咸事者皆任職說文

云事職也漢書王尊傳三公典五常九德是謂下文俊  
又也史公說數為普者趙氏注孟  
子萬章云普徧也普與敷音義同  
俊又在官百僚師師

百工惟時

**注**

史遷說百僚二句為百吏肅謹馬融鄭康

成曰才德過千人為俊百人為艾艾一作艾

**疏**

俊與駿同釋詁

云大也又漢書谷永傳引作艾釋詁云艾長也歷也郭

注云艾長者多夏歷俊又言大臣者老也漢書孔光傳

詔曰誣慙大臣令俊又者久失其位又云今年耆有疾

俊又大臣惟國之重是俊為大艾為老也周語耆艾修

之韋昭注云師傅也師師相師法也見漢書敘傳高平

師師注引鄧展說西京賦薛綜注荀子致仕篇耆艾而

信可以為師謂師法俊艾也工義或為功或為官時者

詩傳云善也鹽鐵論刺復篇引此經說之云言官得其

人人任其事故官治而不亂事起而不廢士守其職大夫治其位公卿總要執凡公卿謂俊又大夫謂百僚士謂百工也史公說百僚百工俱為百吏者詩傳云工官也師師為肅者釋詁云肅肅敬也師肅聲相近時為謹者王逸注楚辭云謹善也時亦訓善義同馬鄭注見書疏以俊為才德過千人者春秋繁露爵國篇云萬人曰英千人曰俊百人曰傑十人曰豪馬鄭以才為撫于五才德者望文生義也百人為父之文未見出典

辰庶績其凝

**注**

馬融曰凝定也鄭康成曰凝成也

**疏**

撫者

王逸注楚詞云循也辰者詩傳云時也禮運云播五行於四時故五時謂之五辰白虎通五行篇云土王四季各十八日合九十日為一時後漢書東平王蒼傳有五時衣各一襲是也凝者高誘注淮南兵略訓云正也言循四時以正庶事即明堂月令之政也馬注見釋文以凝為定者廣雅釋詁文同義鄭注見書疏以為成者中庸篇至道不凝焉鄭注云成也

無教佚欲

**注**

史遷說為母教邪淫奇謀

教一作敖佚欲一作逸遊

**疏**

佚欲漢書王嘉傳嘉奏封事曰臣聞咎繇戒帝舜曰

無教佚遊教敖形聲俱相近漢書韋賢傳諫詩曰邦事是廢逸遊是娛袁宏漢紀陳蕃上書作無敢遊佚後漢書陳蕃傳作無教逸遊太平御覽諫諍部引謝承後漢書曰陳蕃諫桓帝曰故皋陶戒帝無敢遊周公戒成王無般于遊田虞舜成王猶有此戒俱今文並以逸游為田遊據史記文欲當為猷史遷說佚為邪淫者方言云佚淫也故云邪淫欲為奇謀者知古欲或作猷禮器注引詩匪革其猶詩文王有聲猶作慾猶與欲聲形亦相近釋詁云猷謀也故云奇謀欲又作游與猷通周禮師氏貴遊子弟注杜子春云遊當為猶有邦兢

兢業業一日二日萬幾

**注**

馬融曰一日二日猶日日也

幾一作機

**疏**

言有國者毋教以佚游當戒其危日日事有萬端也釋詁云兢兢戒也業業危也幾

漢書王嘉傳作機易繫詞云幾者動之微吉之先見者也本或作吉凶之先見馬注見書疏

無曠庶



官天工人其代之注史遷說為非其人居其官是謂亂

天事工一作功疏曠者曲禮辭車曠左鄭注云空神位也工漢書律歷志引作功說云天兼

地人則天後漢劉元傳李淑曰夫三公上應台宿九卿下括河海故天工人其代之又馬巖傳巖上封事引此

經說之曰言王者代天官人也王符貴忠篇云書稱天工人其代之王者法天而建官故明主不敢以私授忠

臣不敢以虛受論衡藝增篇云尚書曰無曠庶官曠空庶衆也母空衆官寘非其人與空無異故言空也此皆

古義故備載之寘非其人尚謂之曠臣之有作福威而私授者必受違天之咎矣故經以為戒史公以工為事

者工與功通周禮肆師凡師不工注故書功為工鄭司農工讀為功古者工與功同字天敘有典

勅我五典五惇哉注馬融有作五下同疏敘者釋詁云順敘也郭注

云謂次序典者釋詁云常也是五典即五常勅同敕說文云誠也云我五典者詩烝民云天生烝民有物有則

言人各有此五常之性也白虎通性情篇云五常者何謂仁義禮智信也中庸篇云天命之謂性鄭注云木神則仁金神則義火神則禮水神則信土神則知知信疑互舛悖者釋詁云厚也馬注見釋文 天秩有

禮自我五禮有庸哉注鄭康成曰五禮天子也諸侯也

卿大夫也士也庶民也疏秩者釋詁云常也說文作𠄎云爵之次第也自與循轉相

謂庸者常也俱見釋詁云自我者禮書云聖人緣人情而制禮又云禮由人起五典据堯典惟言典朕三禮則當為五等之禮鄭注見書疏以五禮為自天子至庶人者曲禮云天子穆穆諸侯皇皇大夫濟濟士蹇蹇庶人儻儻又云天子之妃曰后諸侯曰夫人大夫曰孺人士曰婦人庶人曰妻王制殯葬廟祭之禮皆自天子達於庶人江氏聲以禮不下庶人疑鄭說之無本非也 同寅協恭和衷哉注鄭康成

曰并上典禮共有此事疏禮主敬而用貴和行之始得其中和也釋詁寅恭俱敬也

協今也。堯典協和萬邦。史記作合和。和衷為中和者。周語云其君齋明衷正。韋昭注云衷中也。鄭注見書疏。

天命有德五服五章哉。注大傳說天子衣服其文華蟲

作繪宗彝璪火山龍諸侯作繪宗彝璪火山龍子男宗

彝璪火山龍大夫璪火山龍士山龍鄭康成曰五服十

二也九也七也五也三也。說今文說五服為五章。鄭氏

祀之服易以初元伏生猶見先秦制度傳授其義似較可信。至漢輿服志稱孝明皇帝永平二年初詔有司采周官禮記尚書皋陶謨篇乘輿服從歐陽說公卿以下從大小夏侯氏說。鄭氏據此為說則漢時章服亦不能證明古義矣。大傳引此經文而說之以自天子至士皆有山龍者釋言云衮黻也。周禮司服衮冕注鄭司農云衮卷襲也。衮自天子至士總名之服。故爾雅單舉之。廣雅云山龍彰也。亦舉山龍以該五章。則今文家謂自天

子至士皆有之說也論衡語增篇云五服五采之服也服五采畫日月星辰王充以此釋粥成五服蓋誤大傳亦不云畫日月星辰也鄭注見周禮大宗伯疏以十二章爲五服者謂日一月二星辰三山四龍五華蟲六宗彝七藻火九粉米十黼十一黻十二此十二章天子備有公自山龍而下侯伯自華蟲而下子男自藻火而下卿大夫自粉米而下則此十二章爲五等之服也

天討有罪五刑五用哉注班固說大刑用甲兵其次用斧鉞中刑用刀鋸其次用鑽

鑿薄刑用鞭朴大者陳諸原野小者致之市朝大傳說

同用或作庸疏古文以五刑爲象刑見下文象刑惟明疏討者說文云治也說文有斂字云棄

也周書以爲討疑周字作虞周禮大司馬職以九伐之灋正邦國是五刑兼有甲兵當如今文說用後漢書梁統傳統對尚書引作庸班氏刑法志引此經而說之云聖人因天秩而制五禮因天討而作五刑是本今文說

也太平御覽七百六十四引大傳云古者中刑用鑕

今脫其全文故以班氏補其說五刑始於有苗制自夏

代唐虞所無**政事懋哉懋哉****注**懋一作茂**疏**政者韋昭

古文說是也**職也懋同茂**釋詁云勉也漢書董仲舒傳仲舒對策曰

書云茂哉茂哉疆勉之謂也郭注爾雅引書茂哉茂哉

釋文云茂又作懋亦作忒同注茂哉或作茂才**天聰明**

是今文爲茂才古文爲懋哉也說文懋作忒

**自我民聰明天明畏自我民明畏****注**畏一作威**疏**聰明

聽孟子萬章篇引泰誓曰天視自我民視天聽自我民

聽是也明威言賞罰呂刑云德畏惟威德明惟明是也

明者周語尊貴明賢韋昭注云明顯也自者釋詁云從

自也自亦爲從又周禮鄉大夫職注引此文疏云自用

也疑自卽古膏字說文膏用也讀若庸民者人也統貴

賤言之孝經云民之行也釋文云木作人坊記鄭注云

先民謂上古之君也春秋左氏成十三年傳民受天地

之中以生疏云民謂人也莊廿三年傳所以整民疏民

謂氓庶貴賤者皆是也民對天言之自當為人周禮鄉大夫使民與賢出使長之使民與能入使治之言為政以順民為本也引此經文畏作威詩烝民注鄭引書曰天聰明自我民聰明本疏云引書曰者秦誓文也彼注云天之所謂聰明有德者由民也言天所善惡與民同此蓋今文秦誓注也漢書李尋傳云書曰天聰明蓋言紫宮極樞通位帝紀云云孔光傳云日有蝕之變見三朝之會上天聰明苟無其事變不虛生則古說不謂聰明為有德者鄭有注王氏鳴盛以為此達于上下敬哉經之注反言疏誤非也今秦誓缺佚矣

**有土** **疏** 達通轉相訓見說文上謂天下謂民言視聽賞罰不可欺天有土即謂上有邦者重言以為戒

**皋陶曰** **注** 史遷省 **疏** 史公省文者以前文俱皋陶之言刑五用哉之文無天命有德已下諸說者以翁受敷施九德成事諸文已言官人之義可以略之故單舉討罪疑非今古 **朕言惠可底行禹曰兪乃言底可績** **注** 史遷文之異也

說為吾言底可行乎是無惠字又作禹言女言致可績

**疏** 惠者釋詁云順也底者釋言云致也績與迹同亦謂行也史公以朕為吾者釋詁朕吾俱我也說績為績

行者春秋左氏哀元年傳復禹之績釋文云本亦作迹績迹通楚詞王逸注云迹行也文選顏延年詩注引春

秋合誠圖宋注云迹行迹謂功績也是績行猶云履而行之也 皋陶曰予未有知思曰

贊贊襄哉 **注** 史遷說為余未有知思贊道哉馬融曰襄

因也鄭康成曰贊明也襄之言揚言我未有所知所思

徒贊明帝德揚我忠言而已謙也 **疏** 思曰曰字史記所無或當為曰思爰

日轉訓見釋詁洪範土爰稼穡史記作土曰是爰日字通也贊贊爾雅廣雅釋訓俱無釋書正義引王肅云贊

贊猶贊奏也肅義不足取史公以贊為道者周語內史贊之韋昭注云贊道也道謂導之張守節正義云贊於

古道非也馬注見釋文以襄爲因者釋詁云僕因也諡  
法解因事有功曰襄鄭注見書疏以贊爲明者明卽勉  
贊贊猶明明明明卽勉勉也故云贊明帝德謂贊勉之  
云揚我忠言者襄揚聲相近得爲揚今本揚作暢誤字  
云忠言者疑  
以曰爲言也

皋陶謨卷二上終



皋陶謨第二中 虞夏書二 尚書今古文注疏卷二

賜進士及第擢通奉大夫山東督糧道加三級孫星衍撰

帝曰來禹汝亦昌言禹拜曰都帝予何言予思曰孜孜

**注**史遷都作於孜孜作孳孳思猶斯也詩泮水思樂

行其野言歸思復唐石經作斯復知思語詞也孜孜古

文孳孳今文也說文云孜孜汲汲也引周書曰孳孳無怠

又云孳汲汲生也是與孜孜同彼秦誓文史記亦作孜孜

與說文異說文所載壁經也廣雅釋訓云孜孜劇也劇

蓋勸字言勞劇古文說也皋陶曰吁如何**注**史遷說為

禹言予此日汲汲不遑耳

皋陶難禹曰何謂孳孳禹曰洪水滔天浩浩懷山襄陵

**注**史遷洪作鴻下民昏墊**注**史遷說為下民皆服於水

書疏

鄭康成曰昏沒也墊陷也禹言洪水之時人有沒溺之

**害** **疏** 懷山襄陵說見堯典疏昏字依史記疑當為皆形相近史公所據本蓋亦今文也以墊為服於水者

廣雅釋詁云墊伏藏也李善注文選陸士衡詩伏事云伏與服古字通是伏於水謂陷於水也鄭注見書疏以昏為沒者釋詁云泯盡也詩疏引李巡云沒之盡也昏

與潛聲相近墊為陷者方言云墊下也論語集解引孔安國注云墊陷下也是墊陷俱為下濕之義說文有沼

字泥水沼沼也義同禹言所以汲汲者以洪水漫天包

駕山谷下民有泯陷之患 **子乘四載** **注** 史遷說為子陸行乘車水行

乘舟泥行乘橈山行乘樺又以舟為船乘橈為蹈毳乘

樺為即橋 **疏** 四載者一車二舟三橈四輶據說文本字考之橈者說文云山行所乘者夏本紀作

樺河渠書作橋溝洫志作楫史記集解徐廣曰樺直輶車也漢書注如淳曰楫謂以鐵如椎頭長半寸施之履

下以上山不蹉跌也韋昭曰榻木器如今輿牀人舉以  
行也書疏又引應劭云榻或作櫟爲人所牽引也說文  
櫟未說其義而有輦云直輦車轡也又注輦字云車衡  
三束也直輦輦縛是輦卽輦假音以革縛輦行以上山  
合之徐廣說爲直輦車應劭說以爲人牽引者是也如  
淳因志云則榻史記云卽橋故說爲履疑望文生義橋  
則輦假音字輦者說文云澤行乘輦夏本紀作泥行乘  
輦又作輦溝洫志同泥卽澤也史記集解徐廣曰他書  
亦作輦漢書注孟康曰輦形如箕擿行泥上如淳曰輦  
音茅菴之菴謂以板置泥上以通行路也書疏又引慎  
子云爲輦者患塗之泥也是與說文車約輦之義不同  
豈義實爲行泥之板說文假輦字者出自古文與史記  
集解引尸子山行乘輦行塗以楸行險以楸行沙以軌  
書疏又引尸子山行乘輦泥行乘輦呂覽慎勢篇云水  
用舟陸用車塗用楸沙用鳩山用輦皆異字可依聲近  
推詳其義此四載之文河渠書溝洫志俱引爲夏書說  
文引爲虞書今經文所無或今文本有之史遷說兩見  
夏本紀乘作蹈又作卽見河渠書者旣云蹈云卽疑是

所履之物故如淳注漢書以為履也 **隨山刊木** **注** 史遷隨作行刊作棊亦

作棊 **注** 刊者說文云棊槎識也夏書曰隨山棊木讀若

氏襄五年傳云井埋木刊服虔注云刊削也管子形勢

解禹斬高橋下以致民利斬高即刊木也文選東京賦

山無槎枿薛綜注云斜斫曰槎邪斫者表記之史記說

禹貢為表木史公隨為行者廣雅釋詁云隨行也許氏

引篆文者以古文別于今 **暨益奏庶鮮食** **注** 史遷說為

文即云篆文蓋孔壁書也 **與益予眾庶稻鮮食** 又說令益予眾庶稻可種卑濕馬

融曰鮮生也鄭康成曰授以水之眾蠶食謂魚鼈也 **疏**

史記夏本紀兩說此經俱有稻字馬鄭用孔壁古文說

無之疑史公據今文說也或古文稱鮮少之食即謂稻

與未決川距海之前地卑濕故種稻稻北方所少謂之

鮮食或說鮮者釋詁云善也曲禮云稻曰嘉蔬嘉猶善

也史公說暨為與者釋詁文奏為子者鄭注云奏為授授卽子也稻者說文云稌也沛國謂稻曰稌稌稻不黏者秔稻屬是稻有此諸種也云稻鮮食一云稻可種卑濕無鮮食字下又以鮮食為食少也馬注見釋文說鮮為生者周禮庖人凡其死生蠶蕘之物注鄭司農云鮮謂生肉蓋兼六畜六獸六禽言之馬意以益焚山澤禽獸逃匿可以為民食也鄭注見詩思文疏以蠶為魚鼈者說文蠶新魚精也从三蠶不變與鮮音相近故為魚之屬

子決九川距四海注史遷予作以距作致

說文

云行水也九川者五帝本紀云通九澤決九河夏本紀及溝洫志云通九道陝九澤既有九澤又有九河知此九川謂九州之川也通九道亦謂通九州水道距四海謂至于海漢書食貨志注孟康云距至也廣雅釋詁同四海者禹貢青州濰淄其道海濱廣斥此為東海在今登州禹貢云導河北播為九河入于海此卽北海漢為勃海郡為今滄州天津之境禹貢云北江入于海中江入于海此為揚州之海疑亦可為南海左傳楚子云君

處北海寡人處南海孟子云孫叔敖舉于海似楚之南海即謂揚州之海也史記正義云按南海即揚州東大海岷江下至揚州東入海也禹貢不言西海史記張儀傳張儀曰利盡西海索隱曰西海謂蜀川也又大荒西經云西海之南流沙之濱有大山名曰崑崙之丘海內西經云河水出東北隅以行其北西南又入勃海又出海外即西而北入禹所導積石山是山海經有西海亦名渤海漢時謂之蒲昌海說文云勃澤在昆侖虛下即蒲昌海也亦謂之西海弱水餘波入于流沙通于南海此是也漢于此設西海郡今為甘肅塞外之地坤鑿度注引萬形經云坎北方無海謂其地但有瀚海也此云決九州至于海當言水道所歸故不得以海晦之義解之史公說距為致者至致濬吠澮距川水史遷濬作發聲相近與孟康張揖同義

說距川為致之川鄭康成曰吠澮田間溝也澮所以通水於川也濬一作容吠澮一作水也濬者釋言云深也說文作容云

深通川也虞書曰容畎澮距川古文作濬又作濬又云  
水小流也周禮一耦之伐廣尺深尺謂之古古文  
作𡵓篆文作畎又云古水流澮澮也方百里為古廣二  
尋深二仞又云川貫穿通流水也虞書曰濬古距川  
言深古之水會為川也許氏兩引經文作濬古者  
孔壁古文也作濬畎澮者孔安國以今文讀之也管子  
桓公問篇云水之出于他水溝流于大水及海者命曰  
川水史遷作浚者假音字公羊莊九年傳云浚之者何  
深之也亦以浚為濬鄭注見史記集解及文選長笛賦  
注以畎澮為田間溝者考工記云匠人為溝洫耜廣五  
寸二耜為耦一耦之伐廣尺深尺謂之古田首倍之廣  
二尺深二尺謂之遂九夫為井井間廣四尺深四尺謂  
之溝方十里為成成間廣八尺深八尺謂之洫方百里  
為同同間廣二尋深二仞謂之澮專達于水各載其名  
俱是在田間  
通水於川也  
暨稷播奏庶艱食注史遷說為與稷子衆  
庶難得之食馬融艱作根曰稂生之食謂百穀鄭康成

曰禹復與稷教民種澤物菜蔬艱尼之食

**疏**播者鄭語周棄能播

殖百穀注云播布也史記不言布疑今文無此字決水

致之川則有平土可以布穀不耕之士得食為難故曰

艱食也史公云難得之食者說文云艱土難治也難得

之食即謂百穀馬注見釋文艱作根者釋名艱根也如

物根也艱根聲形俱相近鄭注見詩思文疏云復與者

以上已與益奏鮮食此復奏艱食云澤物者周禮司徒

川澤其植物宜膏物注云膏當為藁蓮芡之屬有藁藁

是澤物為蓮芡之屬也云菜蔬者魯語云柱能播殖百

穀百蔬周棄繼之注云草實曰蔬是蔬與穀俱稷所植

爾雅釋天蔬不熟為饑郭氏云凡草菜為食者通名為

蔬是菜蔬亦兼草也云艱尼之食者周禮遺人賜萬

民之難尼注云難尼即饑乏也說文作飢云飢也

食懋遷有無化居**疏**史遷說為食少調有餘補不足從

居懋一作貿又作楸**疏**鮮者與寡轉訓見釋言說文又

有匙字云是少也據史公說此



鮮食與上不同懋遷者貿易遷徙漢書食貨志作楛注  
應劭曰楛勉也蓋非漢書敘傳作茂懋茂楛俱賢假音  
字文選永明策秀才文注引此作留疑今文也釋言云  
質買也說文云質易財也遷者孟子離婁篇遷於負夏  
史記說遷為就時是此遷亦就時也化即古貨字古布  
以化為貨居者積貯之名晉語叔向曰假貨居賄韋昭  
注云居蓄也史記呂不韋傳云此奇貨可居漢書食貨  
志廢居居邑注如淳曰居賤物于邑中以待貴也史公  
說懋為調者廣雅釋詁云調貴也調為鬻義同買也云  
有餘不足者據經文有為有餘無為不足也遷為徙者  
釋詁文居史公讀為著食貨志子贛廢著鬻財於曹魯  
之間集解徐廣曰著讀如貯著字漢書作居知此亦當  
讀為著也

烝民乃粒萬邦作乂

**注**

史遷說衆民乃定萬國為

治又說為相給以均諸侯鄭康成曰粒米也又養也衆

民乃復粒米萬國作相養之禮又一作艾

**疏**

王氏引之說立定也

周頌思文作立眾民粒食萬國始治作之言乍乍者始也作與乃相對成文言懋遷有無萬國足食也史公說蒸為眾者釋詁文立為定者詩思文作立說文立住也住即定高誘注呂覽孝行篇云定安也作又云為治者作為釋言文又治釋詁文史公夏本紀說調有餘相給以均諸侯諸侯謂萬邦也周禮大司徒之職大荒則合邦國移民通財廩人若食不能人二鬴則合邦移居就穀蓋仿此也鄭注見詩思文疏以粒為米者一切音義七引通俗文云穀曰粒云粒食者王制云衣羽毛穴居有不粒食者矣墨子非儒篇藜羹不堪說文糗粒也云又養也釋詁文又作艾與又同

**皋陶曰俞師汝昌言** **疏** 史遷說為此而美也 **疏** 師者法也高誘注淮南修務訓云師所以取法則史遷說師為此者段君玉裁云師或作斯故有是說汝為而者中庸篇抑而強與鄭注云而之言汝也皋陶既問禹以何謂稔稔禹答以洪水為災下民沒陷乘四載行山浚川與益稷播種奏鮮少艱得之物食少則貨貿易儲蓄眾民乃定萬國始治故皋陶稱之為

此真汝之美言也

禹曰都帝慎乃在位帝曰俞禹曰安汝止

**注**

史遷都作於無下帝曰俞禹曰五字汝作爾鄭康成曰安

汝之所止無妄動動則擾民

**疏**慎者釋詁云靜也大學篇云靜而後能安故以

靜乃在位為戒史公無帝曰已下五字者疑省文非必

今文汝為爾者孟子盡心云人能充無受爾汝之實爾

汝聲之轉詩雄雉百爾君子箋云爾汝也鄭注見史記

集解云安所止者止即位也大學篇在止于至善注云

止猶自處也論語云君子以思不出其位云動則擾民

者呂覽任數篇云古之王者其所為少其所因多因者

君術也為者臣道也為則擾矣因則靜矣勿躬篇云故

用則變動則暗作則倦衰暗倦三者非君道也史記蕭

相國世家云治道貴清靜而民自定又云慎勿擾也禹

既戒帝以慎靜在位帝然之故又陳安其所止毋妄動

也擾民惟幾惟康其弼直惟動不應**注**史遷弼直作輔惠

說惟動不應為天下大應疏釋詁云惟思也幾殆也康

為惠壞字說文意外得於人內得於已也言君能思危

以圖其安其輔臣用有德者雖動則天下大應之言無

妄動動必疏後志以昭受上帝天其申命用休史遷說

依德也為清意以昭待上帝命申作重鄭康成曰天將重命汝

以美應謂符瑞也疏後者釋詁云待也志字說文所無

云虛心平意以待須也昭者馬氏注文侯之命云明也

上帝下史記有命字疑此脫祭義曰論其志意以其攸

摠以與神明交釋詁云申重也休美也史公以後為待

者釋詁文無受字以志為清意者周語有不祭則修意

韋昭注云意志意也是志與意同說文精意以享為禮

初學記引作絜意本周語北堂書抄九十引白虎通云

齋者言己之意念專一精明也是清意亦潔滌其意則

此言禮祀上帝天當重命以美應也鄭注見史記集解

云美應謂符瑞者禮器云升中於天而鳳皇降龜龍假饗帝於郊而風雨節寒暑時是也 帝曰臣哉

鄰哉鄰哉臣哉注史遷帝曰下有吁字二句作臣哉臣

哉鄭康成曰臣哉汝當為我鄰哉鄰哉汝當為我臣哉

反覆言此欲其志心入禹疏臣謂禹鄰謂下四鄰禹宅

事下文翼為明聽是諸臣之事弼違無面從是四鄰之

事三國魏志三少帝紀何晏奏曰舜戒禹曰鄰哉鄰哉

言慎所近也是言四輔為近臣史遷說鄰為臣故下欽

四鄰為欽四輔臣然此單言臣似亦謂禹鄭注見書疏

云欲其志心入禹者欲四禹曰俞帝曰臣作朕股肱耳

也疏鄭注見書疏文不備也 予欲左右有民汝翼注史

當云皆由臣助之也 史

遷翼作輔馬融曰我欲左右助我民汝當翼成我也

左右者釋詁云導也又與助轉訓易泰象曰以左右民

鄭注云左右助也有者撫也釋詁有撫轉相訓又作撫

同文王世子云君王其終撫諸亦言終有其國也史遷

說翼為輔之者文王世子慎其身以輔翼之是輔翼通

訓馬注見史記集解以有為助者說文云力大手也又

手也右手口相助也有右聲相近詩大明傳云右助也

知馬又為右 予欲宣力四方汝為注史遷省此文疏宜

以右釋有 言用力杜注左傳云宣用也江氏聲說以

周禮司勛治功曰力為者詩箋云助也 予欲觀古人

之象日月星辰山龍華蟲作會宗彝藻火粉米黼黻絺

繡注大傳說山龍青也華蟲黃也作繪黑也宗彝白也

璪火赤也又說自天子至士皆有山龍天子服五諸侯

服四次國服三大夫服二士服一史遷說爲日月星辰  
文繡又說絺如本字馬融曰上句日月星辰山龍華蟲  
尊者在上下句藻火粉米黼黻尊者在下黼黻尊於粉  
火粉米尊於藻火故從上以尊卑次之士服藻火大夫  
加以粉米并藻火爲四章宗彝虎也鄭康成曰會讀爲  
繪宗彝謂宗廟之鬱鬯樽也故虞夏以上蓋取虎彝蜚  
彝而已粉米白米也絺讀爲黼黻紘也自日月至黼黻  
凡十二章天子以飾祭服凡畫者爲繪刺者爲繡此繡  
與繪各有六衣用繪裳用繡至周而變之以三辰爲旒

旗謂龍為袞宗彝為龜或損益上下更其等差謂古人

帝象者易象也易繫辭云黃帝堯舜垂衣裳而天下治

蓋取諸乾坤後漢輿服志云乾有文故上衣元下裳

黃也周已前冕服之制不可考其見於經者禮器云禮

有以文為貴者天子龍袞諸侯黼大夫黻士元衣纁裳

天子之冕朱綠藻十有二旒諸侯九上大夫七下大夫

五士三鄭注云朱綠似夏殷之禮也周禮天子五采藻

据鄭氏此注則龍袞已下之制亦夏殷禮也書疏云夏

殷衣有日月星辰山龍此云龍袞者舉多文為首耳日

月之文不及龍也崔云然也但此經上文云禮有以文

為貴者疑是卑者讓尊者之等差非定制也明堂位云

有虞氏服韍夏后氏山殷火周龍章凡四代之服器皆

兼用之鄭注以為轉又云韍或作蔽則是蔽前之市非

繡蔽衣裳也故與此經俱不合人戴禮五帝德云黃帝

繡蔽衣大帶繡裳帝嚳帝堯黃繡蔽衣大帶繡裳太平

御覽八十引尸子曰君天下者繡衣九種而堯大布九

種即是九章不數日月星辰為十二此先秦說是繡



亦爲衣不必如鄭注傳以爲裳其餘旂常服色見於儀禮禮記左傳者多周制不足証經惟大傳說之頗詳疑伏生見先秦周末之制而傳其說也又有衛宏古文官書說略見說文帶部云糾繡文如聚細米文繡白與黑相次也黻黑與青相次文史記說此亦甚略今依各家之說證明之大傳說山龍青者龍東方之色故青云華蟲黃者爾雅釋言云皇華也皇黃聲相近說文引作黼周禮內司服鞠衣注鄭司農云黃衣也云作繪黑者衣元質合四色爲五故說文繪爲會五采元與黑同也說文繪沃黑色玉篇沃作淺說文又有繪云女黑色也是繪音義當爲黑云宗彝白者馬氏以宗彝爲虎罽與青龍相對西方金色白也說文彝字从糸系蒸也蒸蒼艾色艾爲白蒿亦白也云燥火赤者火南方之行赤色今文家以經文上有五服五章下有五采五色故爲此說以釋之必有所本大戴禮五帝德帝嚳帝堯俱服黃黼黻衣合之大傳天子獨服華蟲是天子服黃也今文不言日月星辰者司馬法云章夏后氏以日月尙明也則日月星辰畫于旌旒亦夏制也漢東平王南北郊服議

云日月星辰山龍華藻天王袞冕十有二旒以則天數  
旒有龍章日月以備其文是古說以日月為旒章也云  
自天子至士皆有山龍天子服五至士服一者謂山龍  
差其等級天子備有五色之飾說見經文五服五章下  
今文不言粉米黼黻絺繡者意以黼黻粉米為刺繡之  
文衣裳並用之惟衣有山龍已下五章裳則粉米黼黻  
絺繡而已知衣亦絺繡為今文說者白虎通衣裳篇云  
聖人所以制衣服何以為絺綌綌形表德勸善別尊卑  
也云絺繡蔽形者上古始制衣服以絺綌形亦如市之  
蔽前後人因以為飾云表德勸善別尊卑者即謂山龍  
等五章以別尊卑也淮南主術訓云人主好黼黻文章  
絺綌綺繡注云白與黑為黼青與赤為黻絺綌葛也精  
曰絺綌曰綌五彩具曰繡也是西漢人說絺繡為絺綌  
之有文繡也五帝本紀云堯乃賜舜絺衣與琴孟子盡  
心篇舜被袗衣趙氏注云袗畫也被畫衣黼黻絺繡也  
袗衣即絺衣知以絺為之說文袗元服以元衣加繪繡  
故大戴禮五帝德稱帝堯純衣言衣之質則為純言衣  
有華蟲則為黃也皆衣裳並用絺繡之明證矣今文云

士服一亦有山龍者周禮節服氏衮冕六人是士服山龍也史遷說有日月星辰自山龍至藻火則謂之文自粉米已下則謂之繡者說文云文錯畫也象交文卽是畫績說文說春秋傳馮馬爲畫馬是文卽畫謂畫此山龍已下至藻火之文也粉米黼黻之屬旣刺於絺皆謂之繡故以繡該之義與今次同也史遷說絺如本字者與淮南子說同五帝本紀堯賜舜絺衣卽孟子衿衣趙氏所謂畫衣也說文絺細葛也刺繡必于絺紈漢書賈誼傳云薄紈之裏是也史公以衿衣爲絺衣卽謂畫繡之衣不必破字爲前也說文云繪會五采繡引虞書山龍華蟲作繪言元衣會青黃白赤四色爲五章也云彝从糸系綦也者詩出其東門傳云綦巾蒼艾色艾爲白縞綦爲織文宗爲尊言繡文取於尊文荀子楊倞注云騏文如博綦是也云璪玉飾如水藻之文者言璪火象冠王之藻文謂之璪火亦當如大傳云璪火赤也勸云衮衣山龍華蟲勸畫粉者周禮司凡筵紛紈注鄭司農紛讀爲幽又讀爲和粉之粉謂白繡也論語云繪事後素蓋以粉分畫界域繡以成文也云絺繡形如聚細米

者說文米本作絺漢書黃霸傳云米鹽靡密注米鹽細  
 靡也蓋謂繡文靡細云黼白與黑相次文黻黑與青相  
 次文繡五采備者考工記白與黑謂之黼黑與青謂之  
 黻五采備謂之繡纁裳兼赤黃二色合黼黻白黑青三  
 色亦成五采故謂之繡裳繡為五采備之名也爾雅釋  
 器云斧謂之黼書正義引孫炎注云黼文如斧形蓋半  
 白半黑似斧刃白而身黑此謂斧戾白虎通紼冕篇佚  
 文見禮書卷二引之云黻譬君臣可否相濟見善改惡  
 此黻文為兩已相反其字作市一名鞞所以蔽前與此  
 黻不同與許異義也許氏之義以宗彝已下皆為繡文  
 是衛宏古文說故附証于此馬氏注見書疏及釋文以  
 上句日月星辰山龍華蟲尊衣在上云云者書疏云蓋  
 以衣在上為陽陽統於上故所尊在先裳在下為陰陰  
 統於下故所重在後天子諸侯下至黼黻大夫粉米兼  
 服藻火是上得兼下也士不得服粉米大夫不得服黼  
 黻是下不得僭上也云宗彝虎者周禮司尊彝有雞彝  
 鳥彝羊彝黃彝虎彝雉彝明堂位云夏后氏以雞彝殷  
 以罍周以黃目則鳥彝與雞同類為夏物罍是殷黃目

是周推知虎雖是虞之彝器雖為虎類故以虎說之鄭注見書疏會讀為繪者說文引虞書本作繪是自古文義也考工記畫績之事以績為繪假音字鄭注周禮司服引經文又作績說文韞韠績也績聲近韞周禮巾車勒面績總注云績文也鄭注覲禮云衮衣者裨之上也績之繡之為九章其龍天子有升龍有降龍知繪而又繡也云虞夏已上取虎彝雖彝者見上馬氏以宗彝為虎下疏云粉米白米者說文粉傅而者也粉白色故為白米偽傳分粉米為二章誤也云絺讀為蒹者鄭注司服引經文作希云希或為絺或作蒹字之誤也蓋言蒹說作絺希說文所無即蒹字省也鄭以絺為蒹者釋言云蒹紵也說文蒹箴縷所紵衣紵縫也云自日月至黼黻凡十二章天子以飾祭服者春秋左氏哀七年傳子服景伯日制禮上物不過十二以為天之數也郊特牲云祭之日王被衮以象天鄭注云謂有日月星辰之章鄭氏蓋据下文云龍章而設日月以象天也論衡語增篇云服五采畫日月星辰莫知篇云繡之未刺恒絲庸帛加五綵之巧施針縷之飾文章焜燿黼黻華蟲山

龍日月御覽七十六引春秋合誠圖曰大帝冠五彩衣  
 青衣黑下裳抱日月日在上月在下黃色正方居日間  
 名曰五光是言日月畫在衣者鄭氏之前鄭說有本也  
 鄭又注王制云虞夏之制天子服有日月星辰是鄭氏  
 以日月星辰為有虞十二章之說也知衮衣象天亦有  
 日月矣鄭云衣用繪裳用繡者謂日月星辰山龍華蟲  
 六章經文在作繪之上當為衣宗彝藻火紛米黼黻六  
 章經文在繡之上當為裳上衣下裳適配天數十二  
 又黃帝制衣裳象乾坤乾坤各六爻此正配之也鄭以  
 日月星辰山龍華蟲等在衣不在裳者論衡佚文篇衣  
 裳在身文著於衣不在於裳衣法天也與鄭說同知至  
 周而變之以三辰為旂旗謂龍為衮宗彝為毳者周禮  
 司服享先王則衮冕享先公饗射則鷩冕祀四望山川  
 則毳冕祭社稷五祀則希冕祭羣小祀則元冕注鄭司  
 農云衮卷龍衣也鷩裨衣也毳屬衣也鄭氏謂王者相  
 變至周而以日月星辰畫于旂旗所謂三辰旂旗昭其  
 明也而冕服九章登龍於山登山於宗彝尊其神明也  
 九章初一日龍次二曰山次三曰華蟲次四曰火次五

曰宗彝皆畫以為繪次六曰藻次七曰粉米次八曰黼次九曰黻皆希以為繡鴛畫以雉謂華蟲也毳畫虎雖謂宗彝也可証此經之注云三辰為旂旗者春秋左氏桓二年傳臧哀伯之言也又昭二十五年傳九文杜氏注云謂山龍華蟲藻火粉米黼黻也華若草華藻水草火畫火粉米若白米黼若斧黻若兩已相戾以華蟲為二與鄭說不同偽孔傳及疏引顧氏取先儒等說同之蓋不可從以五采彰施于五色

作服汝明注鄭康成曰性曰采施曰色未用謂之采已用謂之色作服者此十二章為五服天子備有焉公自

山龍而下侯伯自華蟲而下子男自藻火而下卿大夫

自粉米而下疏五采謂絲所以繡月令命婦官染采論

采是絲色五色考工記畫績之事雜五色東方謂之青南方謂之赤西方謂之白北方謂之黑天謂之元地謂

之黃元出子黑故六者有黃無元為五也禮運云五色  
六章十二衣疏云六章者兼天元也以元黑為同色則  
五中通元續以對五方則為六色為六章也彰者釋言  
云黼黻彰也鄭注大傳引經作章章明也施者高誘注  
淮南修務訓云用也如今文說山龍已下五章先以五  
色畫之又以五采絲刺繡也日月星為衣飾疑服兼旂  
章周禮都宗人正都禮與其服注云謂衣服及宮室車  
旗是也明者明其等差或訓為成也鄭注見書疏及月  
令疏云性曰采未用謂之采者性之言質書疏云以本  
性施于繪帛是也云公自龍山而下云云者周禮司服  
公之服自衮冕而下如王之服侯伯之服自鷩冕而下  
如公之服子男之服自毳冕而下如侯伯之服孤之服  
自希冕而下如子男之服卿大夫之服自元冕而下如  
孤之服鄭注上文衮冕云衮之衣五章裳四章凡九也  
注鷩冕云其衣三章裳四章凡七也注毳冕云其衣三  
章裳二章凡五也注希冕云希刺粉米無畫也其衣一  
章裳二章凡三也注元冕云元者衣無文裳刺于欲聞  
繡而已是以謂元焉凡冕服皆元衣繡裳是也



六律五聲八音在治忽注史遷在治忽作來始滑一作

采政忽一作七始詠鄭康成曰六律六呂言六律者舉

陰陽從可知也習者臣見君所秉書思對命者也君亦

有焉以出納政教於五官忽一作習疏六律者漢書律

二陽六為律陰六為呂律以統氣類物一曰黃鍾二曰

太族三日姑洗四曰蕤賓五日夷則六曰無射呂以族

陽宣氣一日林鍾二曰南呂三日應鍾四曰大呂五日

夾鍾六曰仲呂其傳曰黃帝之所作也五音者白虎通

禮樂篇引此經說之云宮商角徵羽土謂宮金謂商木

謂角火謂徵水謂羽引月令說之入音者白虎通禮樂

篇引樂記曰土曰墳竹曰管皮曰鼓匏曰笙絲曰弦石

曰磬金曰鐘木曰祝敵法易八卦也樂記曰壘坎音也

管艮音也鼓震音也弦離音也鍾兌音也祝敵乾音也

笙者太族之氣也磬者夷則之氣也說笙祝敵簫琴指

鍾磬也如其次笙在北方柷在東北方鼓在東方簫在  
 東南方琴在南方塤在西南方鍾在西方磬在西北方  
 聲五音入何聲為本出于五行音為末象入風故樂記  
 曰聲成文謂之音是也又周語單穆公曰金為羽石為  
 角瓦絲尚宮匏竹尚義革木一聲則以瓦易土為入音  
 也案周禮籥章掌土鼓幽篥注杜子春云土鼓以瓦為  
 匡以革為兩面可擊也是古八音鼓為土塤則周時所  
 為非唐虞八音之土也在治忽忽當為昆說文水流也  
 从川白聲廣雅釋詁注鸞疾故汨通忽昆音近滑在近  
 采治近始故史記作來始滑始與政義又相近滑忽音  
 相近古字在作才與七形相近忽咏形又相近故今文  
 為七始詠昆圓形聲又相近故鄭注為忽也一作來始  
 滑者當為采治滑猶言采治亂也堯典蠻夷猾夏鄭注  
 云猾亂也潛夫論引作滑滑與昆汨俱通華嚴音義下  
 引書大傳云汨亂也樂記云治世之音安以樂其政和  
 亂世之音怨以怒其政乖亡國之音哀以思其民困聲  
 音之道與政通矣史公作來始滑者來始蓋采治之誤  
 故索隱云來始滑義無所通依今文為采政忽三字政

治義相通也史公之意亦以為采治亂索隱引劉伯莊  
云藥諸侯能為政及忽怠者意亦似是其以忽為忽怠  
非也一作七始詠者見漢書律歷志引此文作七始詠  
云予者舜也言以律和五聲施之八音合之成樂七始  
者天地人之始也大傳云聖王巡十有二州因論十有  
二俗定以六律五聲八音七始著其素族以為八此八  
伯之事也分定於五此五嶽之事也又云七始天統也  
鄭注云七始謂黃鍾太簇大呂南呂姑洗應鍾蕤賓也  
歌聲不應此則去之素猶始也是班氏今文說也禮樂  
志高祖唐山夫人安世房中歌曰七始華始倡肅和聲  
注孟康曰七始天地四時人之始華始萬物英華之始  
敘傳八音七始五聲六律注劉德曰七始天地四方人  
之始也楚語觀射父曰是以先王之祀也以一純二精  
三牲四時五色六律七事八種九祭十日十二辰以致  
之又曰天地民及四時之務為七事又韋昭注云周語  
七律云周有七音王問七音之律意謂七律為音器用  
黃鍾為宮大簇為商姑洗為角林鍾為徵南呂為羽應  
鍾為變宮蕤賓為變徵也可証今文之有本也鄭注見

書疏及史記集解以忽為省者裴氏集解云駟案尚書滑字作召說文囙出氣詞也籀文作囙一曰佩也經文滑字或作崇與囙相似鄭據古文說之云召者臣見君所秉君亦有焉者玉藻云笏天子以球玉諸侯以象大夫以魚須文竹士本竹象可也又天子指璫方正於天下也鄭注云此亦笏也謂之璫璫之言無所屈也或謂之大圭云書思對命者玉藻將適君所史進象笏書思對命注云思所思念所將以告君者也對所以對君者也命所受君命者也

以出納五言汝聽

史遷內為入

書之于笏為失忘  
律歷志說云順以歌詠五常之言聽之則順乎天地序乎四時應人倫本陰陽原情性風之以德感之以樂莫不同乎一唯聖人為能同天下之意故帝舜欲聞之也五言者五聲之言律歷志云協之五行則角為木五常為仁五事為貌商為金為義為言徵為火為禮為視羽為水為智為聽宮為土為信為思以君臣民事言之則宮為君商為臣角為民徵為事羽為物五言合于五行則聲為律矣管子地員篇云凡聽徵如負豕豕覺

而駭凡聽羽如鳴馬在野凡聽宮如牛鳴苑中凡聽商如離羣羊凡聽角如雉登木以鳴青疾以清樂記云養聲以知音審音以知樂樂樂以知政而治道備矣故云汝聽王制云御替幾贊之上下注云察其哀樂是也史遷說納為入者公羊莊九年傳納者何入也釋名入內也內使遷也鄭氏以言為政故云出納政教于五官者周評有不祀則修言注云言號令也是言即政教周禮有六官虞時五者無明文鄭注堯典云蓋春為秩宗夏為司馬秋為士冬為共工通稷與司徒是六官之屬此不數天官故六官為五也 子遠汝弼汝

無面從退有後言注史遷說為子即辟女匡拂子女無

面諛退而誦子疏達者說文章相背也達與韋通弼者

者也從史公讀為慈謂獎勸也帝既告禹以助成四輔之事又告以拂君之過是臣又兼鄰之職任為將薦之于天史公說遠為辟者漢書王尊傳注云遠僻也以弼為拂者說文弼古文作攸焉與拂同音以從為諛者

漢書汲黯傳從諛承意從諛即從遷方言云勤也韋昭注楚語云聳獎也是從與諛義相近誦者說文云誹誦也也議也欽四鄰注史遷說為敬四輔臣大傳說古者天子

必有四鄰前曰疑後曰丞左曰輔右曰弼鄭康成曰四

近為左輔右弼前疑後丞疏大傳說為前疑後丞左輔

弼之事拂君過也文王世子注引大傳又云天子有問無以對責之疑可志而不志責之丞可正而不正責之

輔可揚而不揚責之弼其爵視卿其祿視次國之君也

大戴禮保傅篇明堂之位謂之前道左充右弼後丞周

公太公召公史佚為之用古制也虞之四庶庶頑說若

不在時候以明之注史遷庶頑作諸眾譏說作讒變臣說侯為君明為清云君德誠荒皆清矣疏庶者釋詁云眾也頑者廣

雅釋詁云恩也說者韋昭注楚語云媚也護說謂護媚  
之人任察時是見上疏侯者釋詁云君也言知不能察  
是護媚之人故設有土之君以明察之謂下記識其過  
之事史遷說庶為衆者鄭注周禮夏官庶子云諸子注  
曲禮諸母云庶母是諸即庶也頑為衆者鄭語云非親  
即頑謂非親戚即衆人也頑以元為聲元元即衆民也  
說為嬖者韋昭注鄭語云以邪嬖所愛曰嬖周語厲王  
說榮夷公謂嬖之緇衣引葉公之顧命曰毋以嬖御士  
廢莊士大夫卿士史公云臣君德誠施皆清矣集解引  
徐廣曰臣一作吾誤也索隱云諸衆護嬖臣為一句君  
字宜屬下文臣君猶言君臣儀禮喪服傳注云天子諸  
侯及卿大夫有地者皆曰君故臣亦君也云君德誠施  
皆清矣者清猶明也施德謂施有德之人即下舉賢之  
事論語子夏說舜有天下選于衆舉皋陶不仁者遠矣  
捷以記之書用識哉欲並生哉

**疏**

捷者說文云鄉飲酒  
罰不教捷其背古文

作連引周書捷以記之是此經文周書疑當為虞書也  
周禮閭胥各掌其閭之政令凡事掌其比績捷罰之事

注贖撻者失禮之罰也贖用酒其餘兕角爲之撻扑也  
春秋繁露制度篇說誰敢弗讓之義云朝廷有位鄉黨  
有序朝廷有位謂侯以明之鄉黨有序謂鄉飲酒鄉不  
教也記之者謂記其過書者刑書呂刑云明教刑書齊  
占周禮司教凡民之有衰惡者三讓而罰之罰而士加  
明刑注云罰謂撻擊之也加明刑者去其冠飾而書其  
其衰惡之狀著之背也可証此經之義過小則記工以  
之大則識其罪欲並生者鄭注周禮云生猶養也

納言時而賜之格則承之庸之  
工官時是皆見上疏  
納言者下云敷納以

言賜者文王世子或以言揚賜同揚堯典揚側陋史公  
說揚爲舉格來承同承進也皆釋詁文庸者詩傳云用  
也言舉于官者來則進用之文王世子云必取賢斂才  
焉或以事舉或以言揚我皆誓之以待又語三而有一  
焉乃進其等  
否則威之  
否者廣雅釋詁云隔也  
否象上傳善壞注否不  
可証此經之義  
也經言蔽賢則加之罰也後漢紀魯王對策云古者貢  
士得其人者有慶不得其人者有讓漢夫論考無



古者諸侯貢土一適謂之好德載適謂之尚賢三適謂  
之有功則加之賞其不貢土也一則黜爵載則黜地三  
黜則爵土俱卑附下而罔上者刑與問國政而無益于  
民者斥在上位而不能進賢者逐已上言舉賢則讒嬖  
自遠故史公云君  
德誠施皆清矣 禹曰俞哉注史遷說俞為然帝光天

之下至于海隅蒼生疏光者釋言云枕充也孫作光海  
隅者釋地云齊有海隅高誘注

呂覽有始篇云隅崖也蒼者蒼天釋天云春為蒼天生

蒼生更始李善注云蒼生黔首也說文云黔黎也秦謂

民為黔首周謂之黎民是蒼生猶言黎民黔首見禮記

亦不始 萬邦黎獻其惟帝臣注其一作具疏黎者釋詁

自秦 者釋言云聖也大誥云民獻有十夫張衡東京賦具惟

帝臣薛綜注具之言俱也李善引經文作具漢碑以黎

獻為黎儀 惟帝時舉敷納以言明庶以功車服以庸注

疑亦今文

敷一作傳亦作賦車一作輿庶一作試

**說文**

時舉猶是舉漢書敘傳時

舉傳納聽斷惟精注李奇曰時是也鴻嘉二年詔曰古之選賢傳納以言明試以功師古曰傳讀曰敷敷陳也春秋左氏傳二十七年傳引夏書作賦云君其試之杜氏注賦猶取也取納以言觀其志也明試以功考其事也車服以榮報其勞也庸者釋詁云勞也漢書韋元成傳注孟康引此文云庸功也但此謂舉賢與堯典考績不同說文試用也引此經敷者詩傳云徧也車服者謂車馬衣服庸即車服以庸謂命為士大傳云未命為士車不得有飛輪又或作不得朱軒注云飛輪如今窗車也軒輿也士以朱飾之其文見文選注疑是此傳御覽六百卅七引韓詩傳古者必有命民有能敬長憐孤取舍好讓者命於其君然後敢飾車駟馬未得命者不得乘車乘車皆有罰是故其民雖有錢財侈物而無禮義功德即無所用其錢財故其民皆興仁義而賤不爭貴強不凌弱衆不暴寡是唐虞之所以象典刑而民莫敢犯也潛夫論浮侈篇云古者必有命民然後乃得

衣繪綵而乘車馬皆說此經之誰敢不讓敢不敬應  
義也車作輿見下引春秋繁露有等衣服有別朝廷有什鄉  
春秋繁露制度篇云貴賤有等衣服有別朝廷有什鄉  
黨有序則民有所讓而民不敢爭所以一之也書曰與  
服有庸誰敢不讓敢不敬應此之謂也潛夫論考績篇  
云辭言應對各緣其文以覆其實則奉職不解而陳言  
者不得誣矣書云賦納以言明試以功車服以庸誰能  
不讓誰能不敬應此堯舜所以養黎民而致時雍也据  
王符說則讓帝不時敷同日奏罔功注史遷說為帝即  
為推賢尚善

不時布同善惡則毋功

**偷**

時敷者是分也禹貢馬注云敷分也奏者說文云進也罔

者釋言云無也言帝不以是分別善惡者同日進用則  
無功狀謂讓說之人與黎獻同日進用無治績也史公  
說敷為布者詩小旻傳云敷布也說同日為同善  
惡者上云是而賜之否則威之當分明善惡也

皋陶謨第二下 虞夏書二 尚書今古文注疏卷二

賜進士及第授通奉大夫山東督糧道加三級孫星衍撰

無若丹朱傲注史遷此上有帝曰無作毋傲一作暴一

作敖疏無若丹朱傲上古文今文俱有帝曰三字偽傳

王傳劉向上奏曰臣聞帝舜戒伯禹毋若丹朱敖論衡

造告篇云帝戒禹曰毋若丹朱放毋若禁之也案放當

作放又問孔篇云尚書毋若丹朱敖惟慢遊是好謂帝

勅禹毋子不肖子也重天命恐禹私其子故引丹朱以

勅戒之後漢書梁冀傳袁箸上書曰昔舜禹相戒無若

丹朱敖漢人所用今文亦皆有帝曰偽傳傳之既久自

唐時列于學官不敢據增存之于注以俟後之定石經

者朱稱丹朱者漢書律厯志云堯使子朱處于丹淵為

諸侯史記正義引荊州記云丹水縣在丹川堯子朱之

所封也括地志云丹朱故城在鄧州內鄉縣西南百二

十里丹朱故為縣傲說文作稟云嫚也虞書曰若丹朱  
稟讀若傲說文又有數字云出遊也管子宙合篇云若  
傲之在堯惟慢遊是好傲虐是作注史遷惟作維慢作  
也亦作傲

**嫚** 慢者說文云情也傲者廣雅釋言云倨也虐與諱  
聲相近釋詁云戲諱也作者高誘注呂氏春秋云

為也史公惟作維者今文及熹平石經惟多作維釋詁  
云伊維也維為網維惟為思惟俱假借字也慢作嫚者

說文云 傷易也 罔晝夜頡頏 注 一作鄂鄂罔水行舟 注 史遷作

毋水鄭康成曰丹朱見洪水時人乘舟今水已治猶居

舟中頡頏使人推行之 **疏** 罔者釋言云無也頡頏者說  
文有舠字云船行不安也讀

若兀罔晝夜謂日夜不息罔水言洪水已退行舟謂丹  
朱乘舟行水非有治水之役惟好慢遊史公罔水作毋

水者趙岐注孟子引書丹朱慢遊是好無水而行舟罔  
作毋鄭注見書疏云丹朱見洪水時人乘舟者夏本紀

云禹水行乘舟治洪水也云今水已退猶居舟中者洪  
水退釋岡水也居舟中是舟行以為戲也云額額使人  
推行之者水淺舟滯使人人推舉行之此所謂慢遊也  
或以為陸地行舟謬矣潛夫論斷訟篇云晝夜鄂鄂慢

遊是好則今文  
額又作鄂也  
朋淫于家注鄭康成曰朋淫淫門內朋

一作朋疏朋讀為風放也說文引虞書朋淫于家蓋壁  
中古文借朋字後漢書樂成靖王傳安帝詔

曰風淫于家風放聲相近也淫者王逸注楚詞云游也  
鄭注見書疏云朋淫淫門內者白虎通三綱篇引禮記

曰同門曰朋同志曰友故以朋為門內經言于家對行  
舟而言朋者詩傳云比也鄭意言丹朱比游于門內亦

謂慢遊也或以淫為姪亂非也  
丹朱隱惡舜不應斥言于朝  
用殄厥世注史遷殄作

絕厥作其疏殄者釋詁云絕也厥者釋言云其也子創  
世者韋昭注周語云父子相繼曰世

若時注史遷為舜言說為子不能順是一作禹言疏創

說文云傷也若者釋言云順也時者釋詁云是也言子以順是為傷故不順之史公說不能順是者趙岐注孟子云順愛也義亦同一作禹言者論衡問孔篇云禹曰子娶若時辛壬癸甲開呱呱而泣子弗子陳已行事以往推來以見卜隱效已不敢私不肖子也則以此句屬下文讀疑今文也以創為娶無文証之蓋創同初廣雅釋詁云始也速始娶若時則時如字不訓為是也 娶于塗山辛壬癸甲啓呱呱

而泣子弗子 **注** 史遷說禹曰予辛壬娶塗山癸甲生啓

弗作不鄭康成曰登用之年始娶于塗山氏三宿而為

帝治水塗一作龠 **疏** 辛壬癸甲者日干紀日之名史公

充論衡則禹日在子剗若時之上偽傳脫之云子辛壬

娶塗山者蓋塗山道遠娶之行二日癸甲生啓者在家二宿也廣雅釋詁云腹生也言二日而娠啓即往治水列女傳母儀篇云啟母者塗山氏長女也夏禹娶以為

妃既生啓辛壬癸甲啓呱呱而泣禹去而治水似說平  
壬癸甲爲生啓後四日亦可釋爲生啓以辛壬癸甲  
之四日也楚辭天問去焉得彼塗山女而遊之乎台桑  
王逸注云言禹治水道娶塗山之女而通大婦之道于  
台桑之地又云以辛酉日娶甲子日去而有啓也吳越  
春秋云禹因娶塗山謂之女媯取辛壬癸甲禹行十月  
女媯生子啓啓生不見父晝寢呱呱啼泣說文云媯會  
稽山也一日九江當媯也民以辛壬癸甲之日媯娶虞  
書曰子娶媯山作于娶媯山者子字通上文言之塗俗  
字當爲涂或依說文作媯塗山有二說一在會稽者春  
秋左氏哀七年傳云禹會諸侯于塗山魯語作禹致羣  
神于會稽之山是塗山卽會稽山也越絕外傳記地傳  
云塗山者禹所娶之山也去縣十五里是亦以塗山在  
會稽許氏又以爲九江山者呂氏春秋音初篇云禹行  
功見塗山之女高誘注云塗山在九迴近當塗也地理  
志九江當塗侯國注應劭云禹所娶塗山侯國也有禹  
虛是同許說許氏云民以辛壬癸甲之日嫁娶者言民  
見禹辛日娶妻至甲日娠子故以此四日爲娶婦生子



之吉辰相沿成俗也水經注云淮水自黃邪山東北逕  
 馬頭城北魏馬頭郡治也故當塗縣之故城也呂氏春  
 秋曰禹娶塗山氏女不以私害公自辛壬至甲四日後  
 往治水故江淮之俗以辛壬癸甲為嫁娶日也禹墟在  
 山南即其地也呱呱者說文云呱呱小兒嚔聲子者列子  
 楊朱篇云惟荒度土功子產不字過門不入鄭注樂記  
 子諒云子讀如不子之子惟荒度土功注史遷作以故  
 蓋讀如字鄭注見書疏

能成水土功鄭康成曰荒奄也奄大九州四海之土疏

荒與芒通荀子富國篇云芒勸優倖楊倛注云芒或讀  
 為荒漢書高帝紀注蘇林曰芒音忙遽之忙是荒亦忙  
 遽也度者釋詁云謀也土功謂分土之功史公以為能  
 成者廣雅釋詁云度就也就亦成也鄭注見詩殷武疏  
 以荒為奄者釋言文釋詁云注弼成五服至于五千注史  
 奄亦大也詩傳云荒大也弼成五服至于五千注史  
 遷說弼為輔五千為五千里今尚書歐陽夏侯說中國

方五千里古文尚書說五服旁五千里相距萬里馬融  
曰面五千里爲方萬里鄭康成曰五服已五千又揚成  
爲萬里敷土旣畢廣輔五服而成之至於面方各五千  
里四面相距爲萬里堯制五服服各五百里要服之內  
四千里曰九州其外荒服曰四海此禹所受地記書曰  
崑崙山東南五千里名曰神州者禹弼五服之殘數亦  
每服者合五百里故有萬里之界萬國之封焉去王城  
五百里曰甸服其弼當侯服去王城千里其外五百里  
爲侯服當甸服去王城一千五百里其弼當男服去王

城二千里又其外五百里為綏服當采服去王城二千

五百里其粥當衛服去王城三千里又其外五百里為

要服與周要服相當去王城三千五百里四面相距為

七千里是九州之內也要服之粥當其夷服去王城當

四千里又其外五百里為荒服當鎮服其粥當蕃服去

王城五千里四面相距為方萬里也粥一作耶粥者釋詁

云輔也服者釋詁云采服事也反覆相訓即采地之名鄭注職方氏云服服事天子也詩云侯服于周韋略注

周語云服服其職業也五服者禹貢甸服侯服綏服要服荒服至于五千者甸服在千里之內侯服在二千里

之內綏服在三千里之內要服在四千里之內荒服在五千里之內史遷之說禹貢與今文同中國方五千

里亦有萬國者五五二十五爲方千里者二十五除王  
圻千里則方千里者二十四也八州每州方千里者三  
依鄭注建國之法差之一州方七十里之國二百方五  
十里之國四百方三十里之國八百餘方百里者三十  
不在數內州共一千四百國以二百國爲名山大川不  
封之地八州共九千六百國四百國在圻內適得爲萬  
國也鹽鐵論結和篇伯翳之始封秦地爲七十里書殷  
武疏引中候契握曰若稽古王湯旣受命興由七十里  
起孟子亦云湯以七十里知虞夏封大不過七十里也  
史公以弼爲輔者釋詁文知五千爲方五千里者舜本  
紀云禹定九州各以其職來貢不失厥宜方五千里下  
云至于荒服今尚書古尚書說見王制疏引異義說中  
國方五千里者以五服四面相距爲五千里甸服千里  
侯綏要荒各五百里也史記說禹貢五服亦同云天子  
之國以外五百里甸服甸服外五百里侯服侯服外五  
百里綏服綏服外五百里要服要服外五百里荒服故  
詩殷武正義云司馬遷說以爲諸小數者皆是五百里  
之別名大界與堯不殊案禹貢甸服之外有百里賦納

總之屬是謂小數史公不為正數也鹽鐵論地廣篇云  
 古者天子之立于天下之中縣內方不過千里諸侯列  
 國不及不食之地禹貢至于五千里民各供其君諸侯  
 各保其國是以百姓均調而繇役不勞也說苑修文篇  
 云禹定九州各以其職來貢不失厥宜方五千里至于  
 荒服漢書賈捐之傳云以三聖之德地方不過數千里  
 案三聖謂堯舜禹此西漢人之說論衡別通篇殷周之  
 地極五千里荒服要服勤能牧之漢氏廓土牧萬里之  
 外俱同今文也王制疏又引許氏謹案以漢地考之百  
 里外至東海衡山之陽至於朔方經略萬里從古尚書  
 說馬注見釋文鄭注見詩殷武疏書疏王制疏云廣輔  
 五服而成之至于面各五千里者鄭注禹貢云堯之五  
 服服五百里耳禹平水土之後每服更以五百里輔之  
 是五服服別千里故一面而為差至于五千也云禹所  
 受地記書者河圖括地象也周禮職方氏疏及曲禮疏  
 皆引括地象文與此同以崑崙山在東南地方五千里  
 名曰神州者史記孟子列傳引騶衍之說云中國名曰  
 赤縣神州赤縣神州內有九州禹之序九州也說文曰



九州之外謂之藩國世一見于要服下特言九州之外  
明要服在九州之內也玉篇云三子五百里曰華夏据  
一面言之顧野王同鄭說也周禮蠻服之外爲夷鎮藩  
三服故鄭云要服之弼當其夷服荒服當鎮服其弼當  
藩服也周書立政云其克詰爾戎兵以陟禹之迹勿行  
天下至于海表罔有不服是周之幅員與禹弼成九服  
同故鄭從古尚書說爲廣輔至于萬里也

**注**

大傳說古之處師八家而爲鄰三鄰而爲朋三朋而

爲里五里而爲邑十邑而爲都十都而爲師州十有二

師焉家不盈三口者不朋由命士以上不朋鄭康成曰

猶用要服之內爲九州州更方七十里七七四十九得

千里者四十九其一以爲圻內餘四十八八州分而各

有六春秋傳曰禹朝羣臣於會稽執玉帛者萬國言執玉帛者則九州之內諸侯也其制特置牧以諸侯賢者爲之師蓋百國一師州十有二師則州千二百國也二千五百人爲師師長也計一州方百里之國二百七十里之國四百五十里之國八百計一州有一千四百國以二百國爲名山大川不封之地餘有一千二百國八州凡九千六百國其餘四百國在圻內舉王制之法準之八州通率封公侯百里之國者一百七十里之國二子男五十里之國四方百里者三封國七有畸至于圻



內則子男而已九州州立十二人爲諸侯之師以佐其

牧外則五國立長使各守其職薄一作數州謂九州其一爲王

畿餘有八也每州設師十有二者八州當有九十六人

薄者廣雅釋詁云至也薄或作敷詩箋云九夷八狄七

戎六蠻謂之四海國在九州之外雖有大者爵不過子

引此文釋文云諸本作外敷四海敷薄聲相近四海者

曲禮正義引爾雅李巡注四海遠于四荒晦冥無形不

可教誨故云四海也海者晦也言其晦暗無知咸建五

長者王制云千里之內設方伯五國以爲屬屬有長八

州三百三十六長此要服內之長外至四海亦建焉曲

禮其在東夷北狄西戎南蠻雖大日子左傳稱驪戎男

是四海之外大日子小日男也大傳說十都爲師者鄭

注云州凡四十三萬三千家此蓋虞夏之數也廣雅釋

地文與大傳同云州十有二師則三萬六千家有一師

也周禮司徒之屬卿大夫注鄭司農云萬二千五百家

爲鄉州長注鄭司農云二千五百家爲州與此不同故

鄭氏知爲虞夏之數也鄭注見書疏及釋文又見詩箋  
蕭疏云要服之內爲九州州更方七十里者周之九服  
與禹輔成五服相等故以周禮推之知要服之內有九  
州也要服去主城三千五百里四面相距則爲方七千  
里矣方七千者七以七乘七則四十九故云七七四十  
九得方千里者四十九云其一以爲畿內者詩殷頌曰  
邦畿于里唐虞稱服夏或稱縣王制云天子之縣內注  
云縣內夏時天子所居州界名也云餘四十八州分  
而各有六者六八四十八故八分之各有六也引春秋  
傳者哀七年左傳文傳言禹會諸侯于塗山此云會稽  
兼用魯語文云執主帛則九州之內諸侯者大行人職  
云九州之外謂之藩國世一見各以其所貴寶爲贄是  
九州之外諸侯不執玉帛也云其制特置牧者鄭注王  
制云凡長皆因賢侯爲之殷之州長曰伯虞夏及周皆  
曰牧蓋據堯典有十二州又云谷十有二牧是州長曰  
牧也云以諸侯賢者爲之師者師之言長爲諸侯之長  
以佐牧者也云百國一師者州千二百國當設十二師  
也云計一州方百里之國二百云云者鄭意以一州有

方千里者六封三等之國各以方千里者二計方千里  
為百里者百千里之方二則封方百里之國二百也計  
方百里為方十里百以封方七十里之國七十四九  
得方百里者四十九兩之則九十八是方百里者截長  
補短可封方七十里者二國猶餘方十里者二也故方  
千里者二以封方七十里之國可四百有奇止言四百  
者約舉其準數耳計方五十里者四當四百里之方一  
故方千里者二可封方五十里之國八百也總此三等  
凡有一千里四百國云以二百國為名山大川不封之  
地餘有一千二百國者王制云名山大澤不以勝此據  
州十有二師則當千二百國故計以二百國為名山大  
川不封之地也州有千二百國以八乘千則八千以八  
乘二百則千有六百故八州凡九千六百國計滿萬國  
之數當更益以四百國故云其餘四百國在圻內鄭志  
荅趙商云公卿大夫有田祿者其四百國非采地為何  
是鄭以采地在四百國之數也王制疏引異義古春秋  
左氏說禹會諸侯于塗山執玉帛者萬國唐虞之地萬  
里容百里地萬國其侯伯七十里子男五十里餘焉天

子問田其說略與鄭同云百里者三封國七有奇者王制疏云所以百里三封國七者以百里之方一為公侯之國一又以百里之方一為伯七十里之國二又以百里之方一為子男五十里之國四是百里之方三封國七也言有奇者謂百里之方封七十里之國二有奇者以百里之方二故云有奇以此計之州有千里之方六以千里之方二為公侯之國二百又以千里之方三為子男之國八百總為一千四百國鄭又云外則五國立長使各守其職鄭以要服之內既有師有牧此立長當在四海外也王制云五國以為屬屬有長鄭獨言四海外者以曲禮云九州之長入天子之國曰牧其在東夷北狄西戎南蠻雖大曰子注云謂九州之外長也天子亦選其諸侯之賢者以為之子子猶牧也

**史遷**迪作道弗作不迪者釋詁云作也即者詩傳云就也不就功言各作有功

惟苗頑弗就功史公說迪為道者釋詁文帝曰迪朕德時乃功惟敘史遷

說為道吾德乃女功序之也

**疏**迪道道者達也晉語夫成子道前志韋昭注云

道達也時者是也敘者釋詁與順轉訓言禹功順成之史公說為序之者序同敘魯語夕序其業韋昭注云序

也次皋陶方祗厥敘注史遷說為皋陶于是敬禹之德鄭

康成曰歸美于二臣

**疏**此下虞史伯夷所述非舜言也史公說伯夷語帝前即此至庶

尹允諧經文史公以祗為敬者釋詁文敘為德者釋詁云業敘也業猶德也鄭注見書疏云歸美于二臣者大

傳云昔舜左禹而右皋陶不下席而天下治即謂此也

方施象刑

**注**史遷說令民

皆則禹不如言刑從之大傳說唐虞象刑而民不敢犯

苗民用刑而民興犯漸唐虞之象刑上刑赭衣不純中

刑襍屨下刑墨幪以居州里而民恥之而反于禮馬融

曰言咎繇制五常之刑無犯之者但有其象無其人也

方一作宥惟明注史遷說為舜德大明疏白虎通聖人

皋陶聖人也皋陶聖人而能為舜陳道朕言惠可底行

又宥施象刑維明方作宥者說文宥溥也新序節士篇

云書曰象刑宥施惟明及禹不能漢書本紀元光元年

詔曰昔在唐虞畫象而民不犯楊子先知篇云唐虞象

刑惟明夏后肉刑三千俱以象刑為畫象也大傳說赭

衣不純云云者鄭注云純緣也時人尚德義犯刑者但

易之衣服自為大恥屨屨也幪巾也使不得冠飾以恥

之也周禮罷民亦然上刑易三中刑易二下刑易一輕

重之差幪音蒙荀子正義篇云古無肉刑而有象刑墨

黥慄嬰其艾畢菲對屨殺赭衣而不純楊倌注引慎子

慄嬰作草纒是墨刑黥俱刑在面故以草為冠飾也其

艾畢楊倌云其未詳案其當為官宮刑別異其蔽前之

飾故以艾色為鞞也非對屨楊倌云對或為蒯案非當

畫跪當黥以草屨當劓以履樹當則以艾畢當官御覽  
刑法部引慎子曰有虞氏之誅以蒙巾當墨以草屨當  
劓以非履當則以艾鞞當官布衣無領當大辟此有虞  
之誅也斬人肢體鑿其肌膚謂之刑畫衣冠異章服謂  
之戮上世用戮而民不犯也中世用刑而民不從周禮  
司圖疏引孝經緯云三皇無文五帝畫象三王肉刑畫  
象者上罪墨蒙赭衣襍屨中罪赭衣襍屨下罪襍屨而  
已是象刑之說自古傳之鄭注周禮司圖云弗使冠飾  
者著墨幪若古之象刑與知鄭氏亦同古說也史公說  
方施爲令民皆則禹云云者詩傳云方則也是說方爲  
則說象刑以不如言刑從之者言設此畫象以示民告  
以不從教則當加刑而民無犯者故云舜德大明也白  
虎通五行篇云刑所以五何法五行也大辟法水之滅  
火官者法土之壅水贖者法金之剗木劓者法木之穿  
土墨者法火之勝金五帝畫象者其衣服象五行也犯  
墨者蒙巾犯劓者以赭著其衣犯贖者以墨蒙其贖處  
而畫之犯官者履襍屨犯大辟者布衣無領科條三千  
者應天地人情也已上文多脫落多見北堂書抄初學

記後漢書注太平御覽所引五刑大義引周書曰因五行相剋而作五刑墨劓剕宮大辟是也火能變金色故墨以變其肉金能剋木故剕以去其骨節木能剋土故劓以去其鼻土能塞水故宮以斷其淫泆水能滅火故大辟以絕其生命又引尚書刑德攷云大辟象天刑罰贖之數三千應天地人此是周書所說非象刑也蓋後又用其意而制肉刑然大辟可贖則肉刑亦可贖矣此今文以象刑為象天道而作刑也馬注見史記集解引在象以典刑之下案其文當是象刑惟明注故移于此云五常之刑史公所謂令民皆則禹先教以五常不如言而施之刑也云無

夔曰夏擊鳴球搏拊琴瑟以詠

史遷說為於是夔行樂大傳說古者聖王升歌清廟之樂大琴練弦達越大瑟朱弦達越以韋為鼓謂之搏拊何以也君子有大人聲不以鈺鼓竿瑟之聲亂人聲清



廟升歌者歌先人之功烈德澤也故欲其清也故書曰  
搏拊琴瑟以詠祖考來格此之謂也又說搏拊鼓振以  
秉琴瑟練絲徽弦鳴者貴玉聲也馬融曰夏櫟也鄭康  
成曰夏櫟也夏擊鳴球三者皆總下樂櫟擊此四器也  
鳴球卽玉磬也磬縣也而以合堂上之樂玉磬和尊之  
也搏拊以韋爲之裝之以糠所以節樂云以詠者謂歌  
詩也夏擊一作桔隔疏史公說爲於是夔行樂者以夔  
曰至鳳皇來儀爲虞史之言故  
說曰爲於是釋詁云爰日也洪範土爰稼稽史記爰作  
日見此日當訓爰也釋詁又云日於也曹大家注幽通  
賦云爰于是也大傳以爲雨之五祀則舜薦禹攝位之  
後作樂于明堂也鄭氏大司樂注引下夔曰爲夔又曰

則鄭氏亦以為夔言與史公異也。夏擊文選揚雄長揚賦作桔隔注引韋昭曰古文隔為擊疑韋本作麟後人譌為擊說文韞虎聲也讀若隔故既象其形又象其聲。明堂位拊搏玉磬措擊大琴大瑟中琴小瑟四代之樂器也。鄭注云措擊謂祝敵案拮措音俱近白虎通禮樂篇云祝敵者終始之聲萬物之所生也。祝始也敵終也。祝敵在堂下而合樂以為終始之節故先特言夏祝擊敵而堂上之聲應之也。鳴球即明堂位之玉磬亦先言之者白虎通鄭氏俱以為玉聲清故以合堂上之樂故商頌那亦以鼓管之聲依我磬聲也。拊搏即明堂位之器亦名拊鼓亦名相。周禮大師大祭祀帥馨登歌令奏擊拊注云謂拊形如鼓以韋為之著之以縹樂記會守拊鼓注云言衆皆待擊鼓乃作樂記又云治亂以相注云相即拊也。拊搏擊在樂之先故大戴禮三本篇云縣一磬而尚拊搏又史記禮書作拊膈一作搏膈搏拊在堂上亦先及之。琴瑟即明堂位之大琴大瑟中琴小瑟儀禮鄉飲酒禮鄉射禮燕禮記授瑟皆在工升西階之後是瑟在堂上琴亦從之也。以詠者謂工歌周禮太師

大祭祀帥瞽登歌郊特牲歌者在土匏竹在下貴人聲也。大傳說爲升歌清廟之樂，升歌者謂工升堂上，歌詩清廟者明堂明堂位云：季夏六月以禘禮祀周公于太廟，下云升歌清廟也。云大琴練弦達越云云者，說文琴神農所作，洞越練朱五絃，周加二弦，瑟庖犧所作，弦樂也。廣雅釋樂云：神農氏琴長三尺六寸六分，上有五弦，日商、宮、角、徵、羽，通典引楊雄清音云：舜彈五弦之琴而天下化，堯加二弦以合君臣之思，廣雅釋樂又云：伏羲氏瑟長七尺二寸，上有二十七弦，呂覽古樂篇云：瞽與之乃拌以五弦之瑟，作以爲十五弦之瑟，舜乃拌瞽與之所爲瑟，益之八弦，以爲二十三弦之瑟，御覽引白虎通云：大瑟謂之灑，長八尺一寸，諸家說各不同，練者華嚴音義引珠叢云：煮絲令熟曰練，越者韋昭注周禮云：謂爲之孔也。云以韋爲鼓者，周禮正義云：白虎通引大傳云：拊革著以韋，今見白虎通禮樂篇引云：拊搏鼓振以韋，多三字，并下云云，今本脫之也。釋名云：搏拊也，以韋盛，穰形如鼓，以手拊拍之也。蓋一手振，秉一手拊拍之云，不以鍾鼓竽瑟之聲亂人聲者，謂不以堂下之樂亂

工歌也馬注見釋文鄭注見書疏及周禮大司樂疏俱以夏為櫟者漢書楊雄賦注韋昭曰桔櫟也服虔注漢書棘首勞櫟也廣雅釋詁云櫟擊也从木从手者誤櫟即斨也爾雅釋樂所以鼓敵謂之斨郭注云以木長一尺櫟之斨者其名鄭云夏擊鳴球者三謂祝敵磬三器云惣下者櫟擊此四器者玉磬搏拊琴瑟共四器夏擊總舉櫟擊之名漢書注師古曰拊隔擊考也一曰彈鼓也是磬與拊鼓琴瑟皆得謂之擊經文四者單舉其器名故知夏擊總舉之云鳴球玉磬者說文球玉磬也或作璆晉語蘧蔭蒙璆章昭注云璆玉磬球璆一物同字云磬縣也而以合堂上之樂云云者鄉飲酒禮云笙人堂下磬南北面立又記云磬階間縮雷北面鼓之又大射儀云樂人樂縣于阼階南笙磬西面又云西階之西頌磬東面是磬縣在堂下商那云依我磬聲鄭箋云磬玉磬也玉磬尊故異言之郊特牲曰擊玉磬諸侯之僭禮也是知玉磬尊異也云搏拊以節樂者釋樂云和樂謂之節亦即拊也云以詠謂歌詩者周語云詩以道之歌以詠之即工歌

**祖考來格**  
**史遷**

說為祖考至大傳說舜入唐郊丹朱為尸馬融曰此是

舜除瞽叟之喪祭宗廟之樂鄭康成曰祖考來格者謂

祖考之神來至也格一作假疏祖者顓頊考者堯也祭

郊縣祖顓頊而宗堯此蓋宗祀明堂之祭史公以格為

至者釋話文大傳云維有十三祀帝乃稱王而入唐郊

猶以丹朱為尸注云舜承堯猶子承父雖已改正易樂

猶祭天子唐郊以丹朱為尸至十三年天下既知已受

堯位之意矣將自止郊而以丹朱為王者後欲天下昭

然知之然後為之故稱王也晉祀夏郊以董伯為尸大

傳說郊有尸者詩君子偕老云胡然而天也胡然而帝

也箋云何由然女見尊敬如天帝乎非由衣服之盛顏

色之莊乎詩鳧鷖云公尸來燕來寧箋云喻祭天地之

尸也曲禮疏引異義公羊說祭天無尸左氏說祭天有

尸許氏引魯郊祝延帝尸從左氏之說也曲禮疏引石

渠論云周公祭天太公為尸案天既有尸配天亦有尸

晉語云晉祀夏郊董伯為尸注云董伯晉大夫神不飲  
非類則董伯其似姓乎祭統云孫為王父尸注云必取  
同姓之嫡子此是周禮未為尸然則尸取同姓無  
父之嫡子此是周禮未為尸然則尸取同姓無  
項尸也其天尸及帝嘗堯尸無文可知馬注見書疏云  
禘除喪祭宗廟者以經文稱考是為嘗喪已卒之稱王  
制疏引禮稽命徵云唐虞五廟親廟四始祖廟一是馬  
氏以為舜親廟之祭鄭注見周禮大司樂疏云神來至  
者周禮大司樂六變而致象物及天神九變則人鬼可  
得而禮矣古文以感神及致鳳凰舞百獸為樂之效也  
格大傳引作假今文引經格字俱作假虞賓在位注大傳說舜為賓客而

禹為主人樂正進贊曰尚攷大室之儀唐為虞賓鄭康  
成曰云虞賓在位者謂舜以為賓即二王後丹朱也羣

后德讓

**注**

史遷說為羣后相讓鄭康成曰云羣后德讓

者謂諸助祭者以德讓已上皆宗廟堂上之樂所感也

**也**白虎通王者不臣籍云尚書曰虞賓在位不臣丹朱也丹朱時來助祭春秋繁露王道篇云立明堂宗祀

先帝以祖配天天下諸侯各以其職來祭貢土地所有

先以入宗廟故羣后亦在焉德讓猶言陟讓德陟聲相

近說文德升也周禮大卜注陟之言得也讀如王德翟

人之德德登亦音之轉故公羊傳以得來為登來此德

讓依今文義則是迎尸祭統君迎牲而不迎尸曾子問

尸弁冕而出卿大夫士皆讓之諸侯亦讓之大傳說舜

賓客至唐為虞賓者注云舜既使禹攝天子之事于祭

祀避之居賓客之位獻酒則為亞獻也尚攷猶言古攷

謂往時也大室明堂之中央室也義當為儀儀禮儀也

謂祭太室之禮堯為舜賓也漢禮樂志九疑賓夔龍舜

注如淳曰言以舜為賓客也夔典樂龍管納言皆隨舜

而來舞以樂神史記于此篇帝拜曰然往欽哉下云子

是天天下皆宗禹之明度數聲樂為山川神主帝舜禹

于天為嗣十七年集解云劉熙曰若此則舜稽于文祖

三年之後攝禹使得祭祀與下文簫韶九成史公說爲禹乃興九招之樂則是以此經爲舜薦禹于天與馬氏說舜除瞽瞍之喪祭宗廟云云異也大傳有云維十有四祀帝乃雍而歌者重篇鍾石磬莞變聲樂未罷疾風發屋天大雷雨帝沈首而笑曰明哉非一人之天下也乃見于鍾石笙管乎下又云乃遷虞而事夏也亦同史公說而脫文甚多不可考矣鄭注見周禮大司樂疏云卽二王後丹朱謂存二代之後者郊特牲云王者存二代之後猶尊賢也尊賢不過二代史記堯本紀云堯子丹朱舜子商均皆有疆土以奉先祀服其服禮樂如之以容見天子天子弗臣示不敢專也詩振鷺疏引鄭駁翼義云言所存二王之後者命使郊天以天子禮祭其始祖受命之王自行其正朔服色此之謂通天三統是丹朱稱賓得郊天又以天子禮祭其先舜存二王後更有高辛氏後當是帝摯子孫封于唐者云謂諸侯助祭者以德讓者鄭以德爲讓之美德魯語曹劌曰天子祀上帝諸侯會之受命焉韋昭注云助祭受政命也

下管鼗鼓合止祝敵

鄭康



成曰云下管鼗鼓已下謂舜廟堂下之樂故言下云合

止祝敵者合樂用祝敵祝狀如漆簫中有椎搖之以節

樂合之者投椎於其中而撞之敵狀如伏虎背有刻以

物櫟之所以止樂鼗一作鞀 **疏**下謂堂下周禮大師下

也鄭司農云下管吹管者在堂下管為竹樂之總名白

虎通禮樂篇引樂記云竹曰管高誘注淮南原道訓云

管簫也孟子梁惠王問王管籥之音趙氏注管笙說文

云籥音律管堦之樂也籥管音也是管兼笙鏞堦箎也

或說管者說文云如箎六孔十二月之音物開地牙故

謂之管又作琯云古者玉琯以玉舜之時西王母來獻

其白琯前零陵文學姓奚於伶道舜祠下得笙玉琯夫

以玉作音故神人以和鳳皇來儀也宋書樂志引月令

章句云管形長尺圓寸有六孔無底鄭氏注周禮小師

云管如筵而小併兩而吹之今大予樂官有焉鼗說文

作鞀又作鞀王制疏引漢禮樂器制度云鞀如小鼓長柄有耳搖之使自擊詩邶傳云鞀鼓樂之成也高誘注呂氏春秋五月紀云鞀鞀所以節樂也釋名云鞀也所以導作樂也鼓者古以瓦爲質杜子春注周禮師上鼓云土鼓以瓦爲匡以革爲面考工記鞀人爲舉陶陶亦瓦器之名周禮單穆公說八音有瓦無土下云節之鼓是以鼓兼革土二音也經文有八音無墳恐有疑其缺土音者故及之止者釋樂云所以鼓祝謂之止郭注云其椎祝致者一名控榻樂記聖人作爲控榻壘虎詩傳云祝木控也圍榻也說文云控祝樂也祝樂木字也所以止音爲節致樂器控榻也形如木虎云控榻者連祝命之廣雅釋樂云祝象桶方三尺五寸深尺八寸四角有陞鼠釋樂云所以鼓致謂之籛郭注云致如伏虎背上有三十七鉏銘刻以木長尺櫟之籛其名白虎通禮樂篇云歌者在堂上舞在堂下何歌者象德舞者象功君子尚德而下功書曰下管鞀鼓笙鏞以間是今文以爲舞也明堂位升歌清廟之下卽云下管象朱于玉戚冕而舞大武樂記聖人作爲鞀鼓控榻壘虎此

六者德音之音也然後鍾磬等瑟以和之干戚旄狄以舞之此所以祭先王之廟也論語樂則韶舞詩簡兮左手執籥右手秉翟鄭箋云籥舞韓詩外傳云韶用干戚是知下管卽有舞鄭注見周禮大司樂疏及詩有瞽疏云台樂用祝敵者書疏引漢初以來學者相傳皆云樂之初擊祝以作之樂之將未夏敵以止之故謂之台祝敵之狀與諸家說同惟釋名云祝敵如伏虎如見祝祝然也故訓爲始以作樂也敵術也術止也所以止樂也與鄭注正相反

疑劉熙談也 笙鏞以間 鄭康成曰云笙庸以間者

東方之樂謂之笙笙生也東方生長之方故名樂爲笙也西方之樂謂之庸庸功也西方物孰有成功亦謂之頌頌亦是頌其成也以間者堂上堂下間代而作庸卽

大射頌一也鏞一作庸

**疏**釋樂云大鐘謂之鏞郭注云書曰笙鏞以間亦名鏞然周

禮賦時享凡樂事播發擊頌磬笙磬故鄭以笙為東方  
之樂庸為西方之樂皆樂縣也問者釋詁云代也問代  
謂如樂記云鍾磬笙瑟以和之鄉飲酒義工入升歌三  
終主人獻之笙入三終主人獻之間歌三終合樂三終  
工告樂備鄭注見周禮大司樂疏云東方之樂謂之笙  
西方之樂謂之庸不以為樂器笙鏞二物者大射禮云  
樂人宿縣于阼階東笙磬西面其南笙鍾其南鏞皆南  
陳建鼓在阼階西南鼓應鼗在其東南鼓注云笙猶生  
也東為陽中萬物以生是以東方鍾磬謂之笙皆編而  
縣之大射禮又云西階之西頌磬東面其南鍾其南鏞  
皆南陳一建鼓在其南東鼓朔鼗在其北一建鼓在西  
階之東南面箎在建鼓之間鼗倚于頌磬西絃注云言  
成功曰頌西為陰中萬物之所成是以西方磬鍾謂之  
庸古文頌為庸義與此同鄭以經言笙庸而東西階樂  
器畢舉兼有磬鏞諸器縣也宮縣之制大傳云六律者  
何黃鍾蕤賓無射大蕤夷則姑洗是也故天子左五鍾  
右五簫天子將出則撞黃鍾右五鍾皆應人則撞蕤賓  
左五鍾皆應注云六律為陽六呂為陰凡律呂十二名

一鍾天子宮縣黃鍾對賓在南北其餘則在東面又云黃鍾在陽陽氣動西五鍾在陰陰氣靜君將出故以動告靜靜者皆和也狹賓在陰東五鍾在陽君入故靜告動動則亦皆知之也周禮小胥正樂縣之位王宮縣注云樂縣謂鐘磬之屬縣于荀虛者鄭司農云宮縣四面縣經又云凡縣鍾磬半為堵全為肆注云鍾磬者編縣之二十八枚而在一虛謂之堵鍾一堵磬一堵謂之肆西縣鍾東縣磬此樂縣之大概見于經者鑄周禮賦時注引鳥獸踳踳注史遷說踳踳為翔舞馬融曰鳥獸荀作庸

簾也鄭康成曰鳥獸踳踳者謂飛鳥走獸踳踳然而舞

也踳亦作踳疏鳥獸今文以為感樂而馴舞古文以為象樂形聲也踳周禮大司樂注引作踳

說文云踳鳥獸來食聲也引經文玉篇引作食穀聲此古文說以踳踳為樂聲如鳥獸之來食穀不以為真鳥獸也呂氏春秋古樂篇云顓頊效八風之音淒淒鏘鏘是踳為樂聲史公云翔舞者與鄭義同大傳云奏鍾石

論人聲及鳥獸咸舞于前是今文同史公說也鳥為翔  
獸為舞說文云翔回飛也馬注見釋文以鳥獸為荀籥  
考工記梓人為荀籥天下之大獸五羸者羽者鱗者以  
為荀籥小蟲之屬以為雕琢擊其所縣而由其處鳴明  
堂位夏后之龍箎虞注云箎虞所以縣鍾磬也橫曰箎  
飾之以鱗屬植曰虞飾之以羸屬羽屬箎以大版為之  
謂之業說文云業大版也所以飾縣鍾鼓捷業如鋸齒  
以白書之象其鈕鉅相承也虞鍾鼓之柎也飾為猛獸  
从虎異象其下足或作錄篆文作虞是荀一名業為橫  
版虞為樂縣之柎飾為猛獸擊之由其虞鳴故馬氏以  
為鳥獸踏踏即此也鄭 簫韶九成鳳皇來儀 **注** 史遷說  
注見周禮大司樂疏

於是禹乃興九招之樂致異物鳳皇來翔天下明德皆  
自虞帝始鄭康成曰簫韶舜所制樂宋均注樂說云簫  
之言肅舜時民樂其肅敬其紹堯道故謂之簫韶或云

韶舜樂名舜樂者其秉簫乎樂備作謂之成成猶終也

每曲一終必變更奏云簫韶九成鳳皇來儀者若樂九

變人鬼可得而禮故致得來儀乘匹謂致得雄曰鳳雌

曰皇來儀止巢而乘匹簫一作箭疏簫說文作箭云虞

或通作簫則簫非簫管此則謂韶樂也風俗通音聲簫

謹案尚書簫韶九成鳳皇來儀其形參差象鳳之翼十

管長一尺直以為鳳皇象樂之儀形與馬氏以為鳥獸

為荀虞許氏以樂象鳥獸來食聲同疑古文說也鳳皇

今文說為瑞應論衡引大傳云鳳凰在列樹漢書元康

元年鳳凰集泰山引此經文史公說為禹與九招者謂

此大室之祭是薦禹于天禹為主入故云禹作九招也

義見前說苑修文篇云禹乃興九招之樂致異物鳳凰

來翔天下明德也亦同史公說鄭注見公羊哀十四年

疏及書疏周禮大司樂疏以簫韶為舜所制樂者呂氏

春秋古樂篇云帝嚳歌九招六列六英治舜乃合質修  
九招六列六英以昭帝德樂記云紹繼也鄭注云舜樂  
名也韶之言紹也言舜能繼紹堯之德漢禮樂志云舜  
作招又云紹繼堯也史記樂書作韶左傳云舞韶謂周  
禮大司樂九磬之舞是知舜紹堯作樂名韶以有九成  
謂之九韶以其肅敬謂之韶韶此不以韶爲樂器之說  
也云名舜樂者其乘簫者言以簫名舜樂或竟以作樂  
持簫而言之如應劭說也大戴禮夔作樂歌籥舞和以  
鍾鼓則鄭云乘簫亦謂樂舞如詩簡兮左手執籥右手  
秉翟也說文簫作箭云以竿擊人也虞舜樂曰箭韶禮  
樂志天門十一節玉梢以舞體拍搖若承望師古曰梢  
竿也舞者所持玉梢以玉飾之也音所交反云樂備作  
謂之成者周禮樂師凡樂成則告備注云成謂所奏一  
竟云若樂九變人鬼可得而禮者周禮大司樂文云東  
儀乘匹者釋詁云儀匹也乘匹謂升合之雌雄成匹釋  
鳥云鸛鳳其雌皇鄭說鳳皇爲應樂聲來者列子黃帝  
篇云堯使夔典樂擊石拊石百獸率舞鳳皇來儀夔曰  
籥韶九成此以聲致禽獸者也此鄭說之所本也夔曰



於予擊石拊石百獸率舞庶尹允諧

**注**

史遷無夔曰於

予擊石拊石之文簫韶九成鳳皇來儀下云百獸率舞

百官信諧鄭康成曰夔說舜云磬有大小予擊大石磬

拊小石磬則感百獸相率而舞百獸服不氏所養者謂

音聲之道與政通焉庶衆也尹正也允信也言樂之所

感使衆正之官得其諧和

**疏**

夔曰鄭注周禮大司樂引作夔又曰知古文有此二

夔曰蒙上文故云又也史記并此夔曰俱無者或史公

節其文或今文無之擊石拊石俱擊也周禮大師大祭

祀奏樂拊注鄭司農云樂或作擊或當拊論語有擊磬

襄楚詞揚柝兮拊鼓王逸注云拊擊也百獸率舞猶云

順舞釋詁云率循也說文云循行順也春秋繁露王道

篇云毒蟲不螫猛獸不搏抵蟲不觸言順也大傳奏鐘

石論人聲及乃鳥獸歲變于前呂氏春秋古樂篇云質乃捐石擊石以象上帝玉磬之音以致舞百獸高誘注質當為夔庶尹允諧言樂和神人周禮大司樂以六律六同五聲八音六舞大合樂以致鬼神祇以和邦國以諧萬民以安賓客以說遠人以作動物史公無夔曰者以禹伯夷皋陶相與語帝前時本無夔此文又已見堯典不應重出也說庶為百者庶衆故為百尹為官者廣雅釋詁文用此義允信也諧和也俱釋詁文鄭注見周禮大司樂疏公羊哀四年疏云磬有大小者以經文有二石字知之釋器云大磬謂之鼗郭注云鼗形似鞞以玉石為之云百獸為服不氏所掌者周禮服不氏掌養猛獸而教擾之注云猛獸虎豹熊羆之屬鄭以舜作樂廟堂不應有野獸率舞故以為帝庸作歌

**疏**

段氏曰服不氏之獸也庶衆尹正釋詁文

文曰勅天之命惟時惟幾注史遷說庸為用勅為陟又

說時為維是鄭康成曰戒臣疏教天之命一作陟天釋詁假陟陞也陟假同義

謂薦禹于天而告之經文作敕同勅敕者釋詁云勤勞也又云勞勤也廣雅釋言云敕謹也樂書太史公曰余每讀虞書至於君臣相敕惟是幾安而股肱不良萬事墮壞知史公用今文作陟又引古文義作相敕義兩通也惟幾者釋詁云惟思也幾危也說文云幾微也殆也荀子解蔽篇引道經曰人心之危道心之微危微之幾惟明君子而後知之以釋舜之治天下也不以事詔而萬物成史公又說惟時惟幾為維是幾安者時是釋詁文以幾為危以康為安安即下庶事康哉之義鄭注見書疏云戒臣臣謂禹舉陶之屬乃歌曰股

肱喜哉元首起哉百工熙哉

**注**大傳說元首君也股肱

臣也 **疏**漢書魏相丙吉傳贊曰經謂君為元首臣為股

朕股肱元者釋詁云元首也易象云首出庶物萬國咸寧廣雅釋詁云元首君也喜康樂也興起也熙興也俱釋

文 **注**史遷颺作揚鄭康成

文 **注**舉陶拜手稽手颺言曰念哉

曰使羣臣念帝之戒

**注**

荀子大略篇云平衡曰拜下衡曰稽首釋詁云揚續也郭氏云

未詳揚與殿同鄭注見史記集解

率作興事慎乃憲屢

省乃成欽哉

**注**

史遷作率為欽作敬

**疏**

率循也慎誠也憲法也省察也

俱釋詁文作為也興起也屢本作婁亞也俱釋言文漢書谷永傳婁省無怠注師古曰婁古屢字也此言百工

之事信守常法而數察之乃不敗壞也屢蓋屢省文當為婁

乃廣載歌曰元首明哉

股肱良哉庶事康哉

**注**

史遷說乃更為歌鄭康成曰載

始

**疏**

廣者釋詁云續也說文以為續古文載者孟子滕文公自葛載注云一說言當作再字言續帝歌再

為歌也明者大戴禮詁志篇云明孟也釋詁云孟勉也明孟聲相近明即勉也良者詩鴉奔傳云善也康者釋詁云安也史公以廣為更者晉語性利相更注云更續也載說為者釋詁云載偽也偽與為通鄭注周禮大

宗伯云載為也鄭注見書疏以載為始者詩載見傳文始歌謂帝所作歌又歌曰元首叢脞

哉注史遷為舜又歌曰馬融曰叢總也脞小也鄭康成

曰叢脞總聚小小之事以亂大政疏脞當從說文為脞說文叢聚也脞

小也說文又有姓字云諺疾也疑脞亦作姓廣雅釋詁叢湊遠也說文秦古文作屬疑脞即屬字叢奏猶言急

遠今本廣雅脫湊字以七侯反音叢蓋誤馬注見釋文鄭注見書疏以叢為總聚脞為小者說文義鄭云小小

者徐仙民脞音瑣釋訓云瑣瑣小也易股肱脞哉萬事旅瑣瑣鄭注云猶小小瑣瑣聲相近

墮哉注惰一作墮墮一作墮疏隋者說文云不敬也史記樂書曰萬事墮壞墮

說文作墮方言墮壞也說文墮篆文作墮敗城阜曰帝墮是亦為敗也中論審大臣篇引惰作墮墮作樂

拜曰俞往欽哉注史遷說俞為然又說於是天下皆宗

禹之明度數聲樂為山川神主

**疏**

拜者揖也周禮司儀

土揖庶姓時揖異姓天揖同姓注土揖推手小下之也

時揖平推手也天揖推手小舉之又司士孤卿特揖說

文引楊雄說拜从兩手下是君子臣亦拜也云往欽哉  
舜踐帝位二十二年而薦禹攝位又十七年而崩見堯  
紀本

皋陶謨第二下終